


NYI NGULINGE MUKA NA OU YESU OU VAVULUKA NGWAVO KULISHITU?

 Mwata akukisule, Ndumbu walunga Vayle. Chimene, masepa. Ngweji kukotokela lwola lwosena. Billy apwanga nakungulweka yami nge Nguli, chimene chino, kaha Ngukwechi pamo seti kulihwojola chakupenge, kaha Ngwapwanga navavali, shikaho, Ngwafwelela vavali mokomoko vatatu. Shikaho Kangweshi kuhasa kutwama navosenako, munatachikiza, kaha vathu nawa vali nakuvandamina, kupwa nakuvandamina ha mukana tukweji na tukweji. Kaha Mwata napunga nakulinga vyuma vyavinene kuze. Mamalelo, Ikiye apwa—Ikiye apwa Kalunga ketu. Kapwa Ngochoko?

² Jino Ngunakunyuka, chimene chino, nge etu vosena tunatachikiza kutohwa cha ushona echi chinasoloka kulino lifuchi, chakujimbalisa Kolokoko yetu, Mukulwane. Kennedy. Chipwethuhu Ngwapusanyine nenyi mumilingu yenyi na kulifukula chenyi, oloze katelele kufwa mujila kanako. Nduma. Kaha nakuseza vaze vana vavandende, kaha chakuzeneka sevo. Kaha naye uze...Pwevo. Iya Kennedy, chipwe Kangweshi kuhasa kulivwasana na ikiyeko, na jijila yenyi na vyuma, pamo, oloze, anuka, ikiye apwa chisemi wapwevo. Ikiye najimbalisa va kema jenyi, kaha ikiye najimbalisa lunga lyenyi. Kaha ikiye aholokele hamahinji eyi, kaha manyinga a lunga lyenyi kuhingunukila hamahnji eyi. Chize chachipi.

³ Mwashinganyekaho...Lwolalumwe etu natushinganyeka nge na luwanganyisa lifuchi, mu vyakuvwala na vyuma vimwe. Chize chinahase kupwa ngocho vene, nawa. Oloze mwatachikiza, Pwevo. Iya Kennedy kanda lyehi evwenga numba mujimbu umwe hali eyi Mijimbu Ngweji kunangulanga hali chize? Kachi ikiye pamo nge mwewwa umwe hali eyi Mijimbu, ikiye pamo kachi mwapwa mweka. Kaha vamwe vandumbwetu vmapwevo vaze vali nakwivwa ou, kaha vali nakuhona kuuyoya. Talenu? Talenu? Talenu? Ikiye vamulelele kupwa muka Katolika; chikiko kaha ikiye atachikijile. Kacheshi chumako, talenu. Ikiye...Chize chinapu kaha jijila javilinga. Kacheshi chumako hali vaze vathu, vathu vamu Katolika. Chize chinapu kaha jijila javilinga, jijila ja vilinga vya Katolika, chochimwe nge Pulishitelinyani, Mesondisiti, mokomoko kala vosena awa, talenu, mokomoko Chipendekosita, kala osena. Jinapu jijila ja vilinga, keshi vathuko.

⁴ Mukulwane. Kennedy, Ngwashingtonyeka, nalingi vene—vene mulimo wamwaza ha kupwa Kolokoko. Muchima wami unayi kuli pwevo lyenyi. Kaha Nguli nakwivwa vene ushona hali echi, chize numba lifuchi lyetu linahase, na vihwanga na vosena ovo mu lifuchi lyetu, kuhasa kulinga chuma changachize.

⁵ Kachi enu kamweshi kulitavila nauze muthuko, hazevene, kaha mbata jila yove; kacheshi kuwaha kujiha muthu mukwenuko, mwomwo ya vyuma vya ngachize. Kaha vaze vana vavandende vanatachikiza, ngwavo, umwe wamundende ngwenyi, “Jino Kangweshi naumweko wakuhema nenyiko. Tata nayi.” Talenu?

Shikaho Ngunapunga lwolalwosena kushinganyeka nachipwa na kulifuchi, likumbi limwe. Echi chasakile kusoloka lwola lwaluvulu, nge omu munatachikiza, kachi kungulozela kumafuchi aungeji; omwo vakiko vapwilenga nakuhaka mijimba yavo hali yami, kungulama kuhona kungulozela, hahasuku.

⁶ Shikaho kachi nge muthu mwafwa ngachize...Oloze, echi chinapu—chinapu kufweta ndando, chili nakuya na upahu wavyuma vyakuhandununa handunuka. Talenu? Ngwashingtonyeka etu tuli nakushinganyeka nge napu Kolokoko wamuchiwana, umwe hali vawana, vanajihi, kaha Nguli nakwivwa mwamupi chikuma hali echi. Chasonyi kupwa namuthu wamuyachi ngachize muno mu America, kulinga chuma chamuyachi ngachize.

⁷ Kahajino, ohonyi, nge omu Ngwahanjikanga, Ngwa—Ngwalipusanyine nenyi mu milingu. Yami...Kangwa, kangwetavile nenyi ha vishinganyeka vize ikiye apwilenga nakweseka kulingako. Oloze, munamono, ikiye apwilenga muthu weka. Kaha Kangwawashile kwitavila na jijila javilinga vya kulifukula chenyiko. Kangwa—Kangwetavilile navyachizeko. Oloze, ohonyi, ikiye—ikiye vamukulishile muli ize jila. Mukiko—mukiko ikiye apwilenga. Nge muze Ngwahanjikanga, pamo ikiye evwileko chuma chakuhandunuka, chinapunga chakuhandunuka.

⁸ Etu tanapu na—na vyuma hano tweji kulinganga, nge umwe wathu jetu nge vanafu, mokomoko chumachimwe, chipwethuhu...Ngwashingtonyeka nge—nge liuka lyamu America, nge mujimba wavaka America... .

Va vathu vamu America vamuvotelele Mukulwane. Kennedy kupwa Kolokoko. Kaha mukiko apwile...Ou ukiko mulonga etu tuli mu chiyulo chakukasunuka. Kangwavotelele Mukulwane. Kennedy ko. Ngwavotelele Mukulwane. Nixon, mwomwo Ngwatachikijile Mukulwane. Nixon, hakapanji. Kaha Ngwa—Ngwamuzangile ikiye, kaha Ngwa—kaha Ngwavotelele ikiye, hakapanji, mwomwo Ngwamuzangile. Oloze vathu valino lifuchi, va America, vakwetu valino lifuchi, vasakwile Mukulwane. Kennedy. Kaha mujila valingile, chamwaza,

chapwile mukachi kavakiko na Kalunga, oloze chize chikiko kaha.

⁹ Oloze Ngwashinganyekanga, mwomwo yaou mama, kupwa muthu, mama ya vana, Mukulwane. Kennedy, etu katweshi kuhasa kwimana chindende mangana tumulombeleko?

¹⁰ Mwata Yesu, etu hakupwa vathu, etu tukwechi kwivwala hali umwe namukwavo. Kaha etu tukonekele, Mwata, nge Kolokoko yetu vamulozanga okwo ali, muuhwanga. Kaha etu vakulikonekela nge lifuchi lyetu hakwiza hali eyi seteko, nge vathu vangachize vali—vali muno mulifuchi lyetu, vase vanahase kujiha na muthu muuhwanga; nge muze valozele uze mulatu keshi kunyima chikumako, kaha kumuloza kaha muuhwanga, mwomwo ya muyachi. Kaha etu tuvakulikonekele nge vathu vamuyachi ngachize vali mukachi ketu, Mwata. Etu, kuzeya chetu, chinanehe echi kupwako.

¹¹ Kaha etu twalombela Pwevo. Iya Kennedy, uze pwevo lyenyi, ou Kolokoko. Kaha kutachikiza vase vavandende vakemba kutala hali va—va sevo, uze navaseze makumbi amandende hanyimaha, muthu wakuwahilila, kaha wakukilikita kaha wakuhema navo hamavu. Jino vakiko keshi nasevo. kaha hali uze pwevo uze . . . pwevo lyenyi, uze lunga lyenyi aholokele hamahinji eyi, kaha manyinga eyi kupwelumukila naha ndeleji yenyi; kufunda kemba yenyi.

¹² Kaha ohonyi, Mwata, etu tunahase kufwelela uze pwevo kupwa wakuhenga, wa—wa—wa ize jila ikiye naluwanganyisa muli lifuchi, na kuvwala chenyi na vyangocho; oloze echi—echi chili na vathu vaka America, mwosena, vakiko, mukiko kaha vanatondo. Shikaho etu—etu twalombela ikiye, chimene chino, nge Ove muya nakumukafwa. Kaha pamo nakukapwa lwola muli echi kufwisa ayenga nakuwana Muchano, Yesu Kulishitu! Tuhane echi, Mwata, Ove kaha Ukawove eji kuhananga kuunda na kuvendejeka mu ola ya ukalu.

¹³ Kaha tukafweko etu, Mwata, tutwalileho kupwa, na michima yetu yosena, nakumwinyika chaku munyika, chize etu tunahono kutachikiza lwola muka mokomoko kufungulula muka etu tunahase kupwa nacho hali kala muthu. Echa tumunyike nge Kumunyika cha Kulishitu palanga kwiza Chenyi. Kahajino uze Kafunga Wamunene wa utanga, Uze natachikiza chiyulo, mwakaya nakuneha kuzangamisa kushili yosena, kaha Ikiye mwakaya nakutachikiza mwakulingila. Kaha palanga nakuze jino, etu twalihane etu vavene mavoko Enu, ha zangi Yove na keke hali etu. Mu Lijina Iya Yesu. Amena.

¹⁴ Eyo, Ngunahono kutachikiza nge kala muthu atela kufwa mujila kanako. Jino, Mukwalwane. Lincoln katelele kufwa ngachizeko. Mukulwane. McKinley katelele kufwa ngachizeko. Huey Long katelele kufwa ngachizeko; vosena vase. Kangwafwelela muli chizeko. Vihwanga, chili chachipi. Vakweze

jetu kavazungile kusali ya tulungalwiji ha chumachimwe nge ngachize ko. Ndembele yetu kavayizundwile mwomwo yachuma cha ngachizeko. Etu katweshi venyembo vaka America ko wa chumachimwe nge ngachize. Nduma. Chipwethuhu, lifuchi lyetu lili mujita kaha lyakuchongonona na shili, mukiko kaha—mukiko kaha cheji kulinganga chuma kana. Eyi shili.

¹⁵ Jino, lelo etu tukwechi...Nguli nakuya nakunangula nge shikola ya Chalumingo, kaha chivulu cha vyuma kana chize Nanguzanga kuvuluka muno muliuka. Kaha mukiko, chuma chatete, Ngunatondo ove ungukekele ha kumitulika shimbu yayinene ha Chalumingo ha chimene ha chimene nge Nguli naeyi Mijimbu. Kaha jino kachi Mwata mwaya...Mulonga Ngweji kulinga ngachize, mwomwo Ngweji—Nguli hano mukachi kavathu jami kaha Ngweji—Ngweji kutangisa vinangwilo kupwa kaha wakujikiza nge omu Ngwatachikiza. Kangwatangisa evi vinangwilo kufuma kuvihela vyekako. Ngunemana kaha ha—ha chikukuchivene cha Mujimbu wamwaza. Oloze evi vinangwilo vili vyangolo, Kangwa—Kangwatangisa vikiko kufuma mu—mu vihela vyeka. Kaha jino, hano, nachingumbata ola, lwolalumwe, ola jivali mokomoko jitatu, ha kukumisa Mujimbu wami. Kaha Ngweji kumitulikanga hano lwola lumwe, twolufu seti, wani koloko. Kaha chize chinapu chindende kuhambakana omwo Ngwapwilenga nakulinga. Nanguya nakutwama ufuku wosena, hakamwihi, lwolalumwe. Ngunayinga, etu twaputukile, lwola lwaluvulu, eyiti koloko kaha nakuya kwimbo nachimene chikwavo ha ivali mokomoko itatu, echi chakwoloka, kufuma mukuliwana.

¹⁶ Oloze Nangu—Nangu—Nanguya na kweseka ku, omwo Nangwiza na enu cheka, kaha kupwa kaha—kaha chindende... kutangisa kachi kutangisa chikuma hali evi, kuvangila Nanguvangila kumilweza lumweza nge nakuya nakupwa chumachimwe. Mwomwo, Ngukwechi ji Ndolombita ja Seveni, Ngwafwlela, kwiza, evi vyakashiwila muze vene mu Katachikijilo cha mu Sikisi. Omwo Katachikijilo ka Sikisi kuvuma, vyosena ji Ndolombita ja Seveni jahichile hali kamwe kunahu, munamono. Kaha shikaho etu...Nguli nakutonda kuneha Kuliuka kumeso a Kwiza kumeso Eyi, kachi... mokomoko nguli nakuya, mokomoko kala mwosena omu nachipwa, kachi Nanguhasa.

¹⁷ Jino, kachi etu natulinga echi, kahajino etu natuya kumivangulwisaho lyehi. kaha pamo jinonyi, nge omu tulinakumona echi chimene chino, jizuvo kwimana, kaha jimbango, na kujinguluka, etu natuya nakweseka...Etu tukwechi chihela jino etu mangana tuhete kuze. Linatwame hali vathu seli sauzande, kaha ili zuvo yamwaza ya shikola helu yayetu hano. Kaha ji Ndolombita ja Seveni, etu tuli nakweseka kunangula kuli vakiko kuze ku shikola. Kaha nachiya nakuhana

kulisala cha kutwama mukapete, munamono, shikaho etu tunahase kupwa mukachi kavathu.

¹⁸ Etu twatondo kwambulula, ku New York, etu twapwanga na lwola lwamwaza. Ize Zuvo yayinene ya Morris kuze, etu twatela kwalumuna vathu, ufuku ufuku. Vakiko vapwile vanemana. Kaze kakahya . . . Uze muthu uze mweya chihela . . . Chakujimisa kakahya nakuneha hakamwihi kachi etu twimane, kwimana muli chize. Kaha jino etu twatela kuvalovola. Kaha vathu muze mujila, kutambuka helu na hamavu mujila, kulomba nge muthuumwe nahase kupwa wakukashiwa na kulovoka, mangana vakiko kwingila nakutwama. Talenu? Muthu umwe kaha, vakiko valinakuvandamina hali uze muthu umwe, kwingilamo. Kaha kwapwile umwe ku chikolo, kaha jino vakiko echa umwe ngachize. Nge muthuumwe mwakatuka na kuya, atela kuya nakulivanga kwimbo, chamwaza, vakiko vatela kwiza na kulipangila chikuma. Talenu, Vakiko naveza. Echi chili chamwaza, vathu vamwaza. Kaha Ngwafwelela kaye, liuka lya vaka Kulishitu, vali nakwivwa zala ya Kalunga.

¹⁹ Jino Nguna—Nguna—Ngunafwelela echi . . . Kusakwilila, ndumbu walunga. Nguna—Ngunafwelela chize—chize cha Kalunga mwaya nakutuhana lisesa, kuze etu twezenga hamwe na kupwa na ji Ndolombita ja Seveni jamakumishilo. Ngwazanga kupwa vakutwaminyina kulinga chumakana, mangana enu muyenga nakutachikiza.

²⁰ Kaha jino kuze kukulya chachimene cha malunga vakakusekasena . . . kakavulu, kapetulu wavo, Ngwashingtonyeka vakiko ngwenyi vakiko na kufuma mu fifite nakutwala ku handulendi kuze kukulya chachimene. Kaha chize chimene vakiko valanjishile seveteni handulendi matiketini, na kwecha vihela vyosena kwingila, kuzalisa chize chihela. Kaha musenge mwosena, nakujinguluka jimbango, kaha helu nahamavu muze mujindalo, mwapwile vathu vanemana. Kaha vamwe vaze vakakuzata vavalemu, lizavu lya tupilishitu, na—na vyangocho, vapwileko kuze vevwulile Mujimba. Kaha shikaho, Ngunevwushisa, Ngwafwelela echi chakafwile vavevandende. Pamo yalingile vimwe—vimwe chikuma, kuhambakana vize etu natushinganyeka nachiya nakupwa.

²¹ Jino, kahajino, ufuku uno va . . . Etu tui nakuya nakupwa na . . . Mujimbu ufuku uno, nge Mwata netavila, ha—ha mutwe wa—wa omwo, ha chiyoyelo chove na Kulishitu. Kaha jinochize nachiya na . . . Nachiya nakupwa chachihi. Etu twatondo kuputuka, Ngwatondo kupwa ha kamenga ha seveni seti. Kachi . . . Lwola muka ove muya nakuputuka, na seveni seti? [Uze ndumbu walunga ngwenyi, “Etu tweji kuputuka ha seveni seti, oloze natuya nakuputuka ha seveni.”—Muka.] Mamalelo, seveni, kaha Nanguya nakupwa hakamenga na seveni seti, kaha chize chatela kungufuma na eyiti seti, kachi Mwata ali wakulizanga, mwomwo Nguli—Nguli kaha . . . Nanguya kaha

nakupwa washi washi nge omu Nanguhashila kulinga, kaha Nguli nakuya nakuputuka kulilongesa.

²² Kahajino chuma chikwavo, chili, pamo vamwe vangeji kwivwa vathu kuseha. Mwomwo, Ngweji kwesekanga kufuma kuno, oloze Kangweshi kuhasa kulinga chizeko. Echi chinapu muyachi wa...Ngunafwelela echi kacheshi nakwivwakana nge keshi kalemesako, oloze mama apwilenga nakuhanjika ngwenyi, nge vathu navapwa hamwe nge ngachize, chili nge chindanda cha masa ha chimene chituta. Munatachikiza, chapwa chakuhima, kaha nakuhita chindende. Kaha shikaho mukiko mujila chili. Ngweji kulaha chindende muli eyi Mijimbu, mwomwo ya—ya kuyema cha musachi wa Kalunga, munatachikiza, chili kaha chuma chakutulingia etu kupwa hamwe. Kaha Kangwa—Kangwa—Kangwatondele, kangwazangile jila kanako. Ngwa—Ngwatondo chize mujila kana. Kuze, Ngunanuka etu twapwilenga nakwimana na kwimba myaso:

Kukisula lungoji lunahase kukasa
Michima Yetu mu zangi ya Vakakulishitu;
Kulikata chetu cha muyachi wa wongo
Chili nge helu. (Talenu?)

Etu tweji kulipula,
Cheji kutuhana kukola chamukachi;
Oloze etu natuya nakupwa namuchima
wakulinunga,
Kaha kutalilila kuliwana cheka.

²³ Kaha Nguna—Ngunafwelela chize chize nachiya lwolalwosena kupwa—kupwa popo yetu hano. Vavavulu hali vaze vakujila vamwaka vanasavala tulo kufuma kuze, oloze etu hanga twalinunga mumuchima. Kaha Ngwashingtonyeka chize chimweno chize chimene, kuvamona kuze, kaha vakukisula na upahu wa chivwuvu chaukweze wa lunga na upwevo, hanga kutala nge omu valingile hano, nge omwo vakiko vapwilenga hano hamavu. Ngwashingtonyeka vakiko vali nakuvandamina kwiza chenyi. Likumbi limwe etu natukaya nakuliwana na vakiko, nge Kalunga netava. Jino Nguli—Nguli. . .

²⁴ Kaha anukenu echi kutangisa, na kutangisa cha myaso nachikaya nakuputuka na seveni koloko na ufuku walelo, keshi seveni seti.

Kaha jino, mulungu nawizaho, nangupwa ha Shreveport, Louisiana, kaha haze ha Life Tabernacle ha Shreveport, Louisiana. Kaha Ngwashingtonyeka nge vali nakweseka kuwana zuvo yayinene kusali yajila. Ndumbu walunga Moore asanyikile ufuku unahichi, ngwenyi vakiko...Chili kuliwana cha mumwaka, kaha vakiko vali nakuvandamina kwiza chavathu vavavulu.

²⁵ Ngwatondo kuhanaunjiho waundende shimbu kanda Ngutange na Visoneka. Uze—uze pwevo wakalemesa apwilenga natwame hano likumbi likwavo, kuze kwapwilenga... Kukulweka enu chuma muka chakufungulula chili mthuumwe kulombela mukwavo. Chosolokele ngwatalile hamavu na kumona pwevo mukwavo wakalemesa Ngwa... Margie Cox, Pwevo Iya Ndumbu walunga Rodney Cox natwame hano. Kaha mulungu unahichi, ngwafwelela mukiko vene, omwo twapwile hano, uze Shipilitu Wajila apwile na kuhana kutumbununa muze muzuvo, munatachikiza, omwo vathu vachambulwile. Kaha ikiye apwile natwame... Ikiye natwame hano vene jino. Oloze ikiye apwilenga haze vene kusali imwe. Kaha Ngwa—Ngwatalile kuze, kaha kwapwilenga pwevo wakalemesa uze—uze vavulukilenga, uze apwile na namusongo wa shuka. Kaha Margie apwile... Kaha muchimweno apwilenga Margie. Kaha Margie apwile nemana haze; kaha yet Ngwatalile hamavu, Ngwamumwene, kaha chapwilenga na... Kaha Ngwashingtonyekele... Kaha Ngwatalile mangana ngumone uze pwevo mukwavo, kaha Margie apwilenga muze muchimweno, oloze chize Kumunyika chapwilenga hali uze pwevo. Shikaho Ngwa—Ngwatalile.

²⁶ Kaha Ngwashingtonyekele, chamwaza, kachi Nangusanyika Margie, vakiko navamba ngwavo, “Punduvene, chize, punduvene.” Mthuumwe avatachikiza, ngwenyi, “Mwomwoika, ikiye—ikiye... Lunga Iyenyi apwa umwe hali vase—vase masepa jenyi vakuzanga. Vakiko veji kuyoyela hamwe, kusavala hamwe, munyanga hamwe, kaha—kaha vyuma vyosena. Punduvene, mukiko, ikiye mwaya nakutachikiza chize.” Oloze Margie katachikijile chizeko. Oloze Ngwasanyikile uze pwevo wakalemesa mukwavo, uze apwilenga... Ngwafwelela, apwilenga ndumbu wapwevo wakufuma ku Chicago, nge omu Ngwalinangwile.

²⁷ Oloze jino ejile, nge muli ikiye... ize fwakitoli, vakiko vapwilenga nakupima musongo wa shuka. Kaha—kaha ikiye apwilenga na shuka. Kaha shikaho ikiye apwilenga mujila yenyi nakuya, zawalize chivanda cha zau, ku chipatela hali uze musongo. Kaha—kaha shikaho omwo ikiye aavulukile, kahajino Ngwakwachile kwanuka chenye hali echi. Kaha Ngwambile ngwami, “Twaya kuno, Ndumbu wapwevo Margie.” Kaha ngwamulwekele omwo napunga nakupwa nakalepa mumavoko eyi, kaha—kaha nomu nevunga chize chachipi.

Uze kanyike wa pwevo wakalemesa eji kuzatanga musana naufuku, kwijile, kuze, ku... mama wakanyike wakalemesa, kukafwa lunga Iyenyi kufwetela limbo lize vali nakweseka kutunga. Kaha—kaha ikiye na ndumbwenyi wa kanyike wa pwevo, Nellie, na Charlie, uze apwile ndumbu walunga wa Rodney, pwevo Iyenyi, na vosena kuzachila hamwe haze ha fwakitoli, na ngolo josena nge omu vahashile kulinga. Kaha

kwimana mukutoleka. Vakiko vechele jikambu javo kusuwa, na kufumisa kulilengulula, na vyuma vyangachize, omwo vejile nakupwa Vakakulishitu. Ngwafwelela mukuhana kalemesa haze kalemesa katela. Kaha Ngwapwile vene na chihela chamwaza mukachi ka muchima wami hali vase vakweze ja mapwevo.

²⁸ Kaha jino kumukwata kulivoko na kumulembelela. Kaha ikiye ayile, kaha vakiko kavawanyine numba uze musongo wa shuka chipwe waundendeko. Wapwile unayi, shikaho.

Uze pwevo wakalemesa haze vene kumwe, uze vavulukilenga, kaha apwile na ndumbu wapwevo wa lijina lya Bruce. Kangweshi nakumumona chino chimeneko, oloze apwilenga lwola lwosena. . . Ikiye apwa pwevo wakuzanga kulomba chikuma. Kaha ou pwevo eji nakwingila kaha, apwile lwola lwamakumishilo Ngwapwile hano, kaha kakwapwile numba—kuhana kati ya kulombelako, mokomoko kala chuma, shikaho kakwapwilenga naumwe pimbi, namukana wakulombela wauchi, shikaho vakiko vapwile kaha. . . Uze Shipilitu Wajila asanyikile kaha muze mulizavu.

²⁹ Kaha ou kanyike Mujike Bruce, ikiye apwilenga—apwilenga wakukiwa lwola lumwe, lyavene, ku kansa. Kaha ikiye—kaha ikiye lwola lwosena apwilenga nachiteli ha muchima wenyi hali muthu umwe kumwe, kaha ikiye apwilenga kaha nakulombanga. Kaha kwapwilenga pwevo wakalemesa kufuma ku Louisville, uze apwilenga nakufwa, na kansa ya mumuli. Kaha shimbu apwile nakulomba, uze Shipilitu Wajila ayile kuli uze pwevo, nakumusanyika, kaha kala mwosena Yalingile, kumulweka omwo ikiye apwilenga, kumulweka ikiye, nduma, apwile hiya, kaha ukalu wenyi wapwile uka, kaha naikiye hakupwa na kansa, kaha ngwenyi ikiye, mwaya nakupwa kanawa. Kaha uze kanyike wapwevo wakalemesa ayile kwimbo.

Mwahichile makumbi hanyima yachize, ikiye aputukile kajikujiku wakumutwala kukufwa, kuheta, haze vene hamuliu hajimbile. Ikiye akohwele kakoho kakanene, kaha uze kansa atumbukileho. Kaha apwa wakukupuka. Talenu?

³⁰ Chuma muka chasolokele, mwamono, lize liundu, livene, uze ufwa wapwile nakuyoya mulikiko. Talenu? *Kansa*, yeji kufumanga ku—ku lizu, hanjikiso yachipatela kupwa, nge “kala,” kulumbununa likwechi mahinji amavulu, nge uze—uze kala mweji kwandanga kufuma mu kalungalwiji na—na mwakoka manyinga kufuma muli ove. Kaha ou ufwa wakulile ha muliu wenyi, wapwilenga, mukiko wapwilenga nakulinga.

Jino, talenu, Kangweshi nakulipika na chize kujimbako. Nguli nakulipika na chiyoyelo chize chili muli chize kujimba. Talenu? Chize chiyoyelo chili muli chize kujimba chikiko tuli nakulipika nacho. Talenu? “Mu Lijina Lyami navakaya nakutapula vandemone.” Lize lizu *ndemone* lya “mukakuyanjisa,” ali namujimba. Kaha uze apwile ndemone.

Kaha jino omwo chiyoyelo chafumine mulichize kujimba, eyo vene, chize chanehelenga chize kujimba.

³¹ Chochimwe nge kawa wamundende uze vanachiki kujila, chumachimwe nge, echa tumuhake muze mumusana makumbi amandende, kahajino, kaha mwaya nakutohwa kapapa kavali.

Chamwaza, chikiko chapwile nakulingisa uze kanyike wapwevo ukalu kutohwelako. Kakavulu Ngunachilumbununga echi. kachi ukalu nautohwelako, echi chikiko chinjikizo nge ove unahinduka, mwamono. Kaha shikaho yapwile nakuya nakutohwelako lwola lwosena, kaha kumulingisa kujikula, mwomwo lyapwilenga nakujimba. Kaha uze. . . Oloze linapolo, chize chiyoyelo chalovokamo. Kaha kukohola chakufwana ngachize, mwamono, [Ndumbu walunga Branham kukohola—Muka.] nge *ngachize*, kulimwanga, kukokeka nakufuma munyama yenyi. Kaha chize chakufwa, mujimba wakuzeneka chiyoyelo muchikiko, ize kansa kuya, kutumbuka, talenu, kuholoka nakuya.

³² Shikaho, mukiko kaha, uze mujimba walovokele nakuya. Uze kapwile ndemone ko alovokele. Ize yapwilenga zuvo kaha apwilenga nakuyoyelamo. Ikiye alovokele mwomwo lufwelelo lwauze pwevo muli chize vamulwekele, kutachikiza Yesu Kulishitu apwa youmwe zau, lelo, nahamyaka, chize chikiko chajihile kansa, kumbata chize chiyoyelo muli ikiye.

Jino, ikiye pamo ahilukile cheka kuli ndotolo, kaha uze ndotolo ngwenyi, “Chakuzeneka mangana, chize—chize chuma chimwe chochimwe lika lwola lwosena.” Oloze echi chakwoloka, kujimba chapwile kuze, oloze keshi chiyoyelo, keshi ngocho kahako. Talenu?

³³ Jino, ngachilihi nge chize chapwilenga kumwe kuze nahase kupwa—kachi afwile?

Echi chinapu chifwanyisa? [Ndumbu walunga Neville ngwenyi Ndumbu walunga Branham, “Chize chifwanyisa cha kujimba chinahichi kufuma muli Pwevo. Iya Baker, kufuma kuze ku Springville, Indiana. Kaha ikiye. . . Echi chinapu chifwanyisa vanatohwesa, chize chahichile, hanyima ya kulomba.”—Muka.] Hano jino chikiko chifwanyisa cha chize kujimba kufuma muli Pwevo. Iya Baker, kufuma ku Springfield, Indiana, chize chahichile, hanyima ya kulomba. Chize chifwanyisa chacho. Talenu, uze ukiko mujimba wauze ndemone apwilenga nakuyoyelamo.

Nge omu muli nakuyoyela muli ou mujimba mulimo; unahase kupwa waundende, waunene, mutwe uchila, mutwe wilava, kalachuma omu chili. Talenu? Uze ndemone pamo kuyoyela muli uno mujimba, mokomoko Kulishitu eji kuyoyela muli uze mujimba. Chamwaza, kahajino nge chize chiyoyelo nachifuma, mumujimba wove hanga uli hano hamavu, talenu, oloze chiyoyelo chauchimo.

Nge chiyoyelo chafuminemo, uze mujimba hanga wapwilemo. Kaha jino watanyukile nakufuma mumujimba wenyi kaha vamatupwile, kaha uze mujimba walovokele.

Oloze kachi nge uli muchihela chize nauhona kulovoka, kahajino muchima wove kumbata chize chakufwa na kutomesa manyinga, lwola lwosena uli nakuveta. Cheji kunehanga chishika, na vyuma vyosena, mwomwo unapu musongo. Mwamono? Kaha muchima wove watela kupwa na... Ngwashinganyeka muchima weji kukosanga manyinga omu uli nakuhita. Echi chakwoloka, Ndumbu wapwevo Dauch? Ngwashinganyeka echi chakwoloka. Muchima, omu uli nakuveta, uli nakukosa. Uze nashi, munatachikiza, kaha umwe mukwavo natwame hano kulutwe lwenyi. Kuko-... kumbata... Kaha chize chikiko cheji kunehanga chishika chakufuma kumusongo. Weji kumbatanga musongo na—na kuneha chishika.

³⁴ Jino, ava vathu, munamono, echi chinapu lufwelelo lwenyi. Keshi kwivwa choveko. Echi kacheshi, chipwetuhu ngocho, kachi livoko lyami ili lya kwoloka. Echi kacheshi nachuma chimwe chakulinga naechiko. Echi chinapu lufwelelo lwami lweji kulinganga chize. Talenu? Hazevene kumeso etu, etu tweji kumona chifwanyisa cha kukupuka cha muthu wakukiwa, ha lufwelelo. Kaha jino etu tunambate tambo na tambo palanga etu tambo muli muthu, kaha kutambuka nawo. Talenu? Yenu haze vene. Kaha chize, mukiko cheji kulinganga, lufwelelo lwenyi; keshi kwivwa chenuko. Lufwelelo lwenu lweji kulinganga. Kusakwilila na kwalisa chiyenga kuli Kalunga!

³⁵ Jino chinndende kaha tulombe, kaha etu tukwechi mutwe hano nge etu twatondo kuhana kalemesa, kaha lwola lwalundende elu Mwata nahase kulinga na etu kutesekesa na echi.

Kaha, jino, jinonyi kachi vamwe muli enu vakwechi echi chimene chino, kaha kaveshi kupwa mukutanga chachingoloshi, nge Mwata netavila, Ngwa—Ngwatondo kupwa hano cheka. Echi chisaka chili nakukinduluka kumulungu wa Ngishimashi. Kaha jino, Chalumingo cha hanyima ya Ngishimashi, nge Mwata netavila, Ngwatondo kunangula Mujimbu wa Ngishimashi hano ha mbalaka; Chalumingo cha hanyima ya Ngishimashi. Nge Mwata netava, kutangisa nachikapwa ha, *Ji Shindo Mu Jila*.

Shikaho echa etu tunongame mitwe yetu jino na kuhana kulomba shimbu kanda etu tutange.

³⁶ Mwata Yesu, Ove pwako hakamwihi halwola luno. Kaha etu tunatachikiza nge echi chili chachikalu muno muliuka lyetu lyalindende, kachi eka amavulu anemana. Kaha—kaha etu tuli hano keshi mwomwo ya kusuwuluka wachihelako, echi chinatuhane kusuwuluka chakumujimba, mwomwo keshi chakusuwulukako. Kaha etu katweshi hano mangana tumoneko.

Oloze etu tuli hano mwomwo etu twevwile Kupwa Chove. Kaha etu tunatachikiza nge Ove uli hano. Kaha etu tuli hano vatwolole. Kaha etu tuli hano, kutachikiza nge etu tuli muzuvo ya Kalunga. Kaha etu tunevwu kuwaha kupwa hano, numbathuhu chakuzeneka kusuwuluka, kwimana, na—na kutwama kulilunjika, oloze etu tuli hano mwomwo etu—etu tunevwu nge Kalunga ali hano.

³⁷ Kaha mujila yoyimwe uze kanyike walunga ewwile uze ufuku, omwo Paulu anangwile ufuku wosena, Mujimbu kana kusuwa, kufuma pamo kushikumuka cha likumbi palanga nakukutuka cha likumbi, na chimene chikwavo. Kaha uze mukweze kutwama haze helu, ikiye aholokele kaha vakiko vashinganyekele nge nafu. Kaha Paulu ahakile mujimba wenyi hali ikiye, kaha Shipilitu ya Kalunga ize yapwile hali uze muluwa yakindulwishile ize shipilitu ya kuyoya mumujimba wauze kanyike walunga. Kaha ikiye ngwenyi, “Ikiye nakupwa kanawa,” kaha uze mukweze ayoyele. Ikiye ahakile muchima kuvize Paulu apwilenga nakuhajika.

³⁸ Kaha, Kalunga, etu tunahake muchima muchimene chino kuchuma muka Shipilitu Wajila mwaya nakuhanjika kumichima yetu. Kaha etu twalombo nge Ove uyenga nakupuzula Mbolo ya Kuyoya kuli wosena ali muli etu, nge omwo natufuma hano lelo, nge etu katweshi kuseza ino zuvo kupwa vathu vovamweko nge muze twengilanga. Echa Vakakulishitu vapwenga hakamwihi na Ove. Echa vakashili valumuke lelo. Echa vakakuviza vahinduke. Kaha echa Wangana wa Kalunga wizenga hakamwihi kuli etu, mokomoko numba thuhu kupwa muli etu. Twalombo echi mu Lijina lya Yesu Kulishitu, shimbu tuli nakuvandamina hali Shipilitu Yenyi kutuhana Mazu. Amena.

³⁹ Jino echa tutangenu Visoneka vimwe, evi lili...Lizu lya Kalunga lwola lwosena lyakwoloka.

Kahajino, vosena, Ngwamono enu muli vene kanawa kulivaze vanemana. Ngwamono muthuumwe kukatuka nakutwama hamavu, na kuhana muthu weka chitwamo. Chize chili chamwaza. Kachi etu twapwanga na tupete twatuvulu, oloze etu katweshi natwoko, kaha halwola luno.

Fukununa ku Mateu 27, kaha etu natuya nakutanga kufuma ha vasi 11, kaha jino etu natuya nakuhanjika ha mutwe hali ou mutwe wachihande.

Jino Yesu emanyine kumeso anguvulu: nguvulu amwihwile, ngwenyi, Ove Yove Mwangana wava Yuleya tahi?...Yesu amwambile ngwenyi, Mwomwo vene unambe.

Kaha omu vapwile vapilishitu vavalemu na vakulwane nakumuhana mulonga, kavakumbulwile chipwe na lizu limweko.

Haze vene Pilatu amwihwile ngwenyi, Vyuma vyavivulu vipwaha ngana vali nakukuvulukila kawavivwileko tahi?

Oloze kamukumbulwile chipwe nalizu limweko; ngocho nguvulu ali komokelele chikuma.

Kahajino ku kuchiwanyino kana—kana nguvulu . . . avechelelenga vathu funge umwe, wose navasaka.

Haze vene vapwilenga na funge wapuhu, vamuvulukilenga ngwavo Mbalapa.

Shikaho vakivo hakukunguluka, Pilatu avehwile ngwenyi, Namusaka ngwenu Ngumyecheleya? Mbalapa, mokomoko Yesu ou vavuluka ngwavo Kulishitu?

Mwomwo atachikijile ngwenyi vanangunehelayo halisungu shikaho.

Kaha omwo atwamine kuchitwamo chakusopela, pwevo lyenyi atumine muthu kuli ikiye, nakumwamba ngwenyi, Kanda . . . wingila mumulonga way ou muthu wakuoloka: mwomwo lelo Ngunayande navyuma vyavivulu mukulota chami hali ikiye.

Oloze vapilishitu vavalemu navakulwane vavakunyukishile mayongomena mangana valombe uze Mbalapa, vamunongese Yesu.

Oloze nguvulu ahanjikile nakuvehula ngwenyi, Kuli ava vavali namusaka ngwenu Ngumyecheleya? . . . (Shinganyeka chize!) . . . Vakiko ngwavo Mbalapa.

Pilatu himwavehula ngwenyi, Nyi Ngulinge muka na ou Yesu vavuluka ngwavo Kulishitu? Nyi Ngulinge muka na ou Yesu vavuluka ngwavo Kulishitu? Kaha vosena vamwambile ngwavo, Echa vamusukike.

Kaha nguvulu avehwile ngwenyi, . . .mwomwo ika napihisa ika? Oloze vakiko vatambakanyine chakuhambakana, ngwavo, Echa vamusukike.

Ngocho Pilatu hakumona nahono kuwaholesa, oloze vanasake kukatula chizungo kaha, ambachile meya asanyine kumavoko enyi kumeso alize liyongomena, avambile ngwenyi, Ami kangweshi namulonga wamanyinga ayou muthu mukakwolokako: ojo jayenu.

Kaha vathu vosena vamukumbulwile ngwavo, Mulonga wa manyinga eyi ututelelenga tuhu etu, na vana vetu.

Hazevene avechelele Mbalapa: oloze amuvetesele Yesu vikote, amuhanyine mangana vakamusukike kukulusu.

⁴⁰ Chifwanyisa kana kupihya! Nguli nakufumisaho mutwe wachihande hali echi, kachi nge enu munatondo kuchisoneka mu jila kana, mokomoko kuchivuluka ngachize. Kaha pamo

tepu mwakutondo yipwenga namutwe wangachize: *Nyi Ngulinge Muka Na Ou Yesu Ou Vavuluka Ngwavo Kulishitu?* Kaha mutwe Ngwatondo kuzachisa, hanyima ya kupwa chinapu kutanga; Ngwatondo kuzachisa mutwe, “na Yesu kumavoko enu.” Na Yesu kumavoko enu, nauya nakulinga ika?

⁴¹ Kutanga chetu chinaputuka, na chimene, mu zuvo yakusopela; muze Pilatu, uze nguvulu, vamusanyikile ezenga, na—na kulinga na—na kuneha kuyula. Chapwilenga pulundundu ya chimene, chindende kaha shimbu kanda likumbi litutuke, kaha ikiye vamufumishile mukusavala chenyi, kaha—kaha vamusanyikile ezenga evwenga ou—ou mulonga wayou Lunga.

⁴² Lwapwile lwola lwa kusukika cha Mwata wetu kaha Mulwilo, Yesu Kulishitu. Ikiye apwile—Ikiye apwile nechi nalingi chauchi, nge omu vawanyine muli Ikiye, kaha Ikiye apwile—Ikiye kakwbulwile numba chumako. Lwapwile kaha ola nge chatelele kupwa mujila kana.

Kakweshi chuma nachisoloka chakuzeneka chuma chimwe munyima yachize kuchilingisa. Kwatela kupwa mulonga umwe hachuma hichuma chosena hakusoloka. Mwomwo echi—echi chahizumwishile, mukiko vene, ha—ha shipilitu ize yatwama muuthu, kaha kupwa vathu, na vyangocho. Kuli kujina, kujina chacho, kaha na—kaha napunga, kaha kwatela kupwa na mulonga.

Kaha, mulonga watela kulingisa echi kusoloka kuli ou Lunga wamunene uze ayoyeleho hano hamavu, mokomoko ayoyaho lyehi; mulonga echi chasolokele muli eyi jila, mwomwo lwapwile lwola lwacho chatela kusoloka. Talenu? Echi chatela kupwa ngachize, kaha kakwawile jila yakuchinyinako chize. Chatelele, chatelele kupwa mulwola kana.

Kaha Yesu atelele kwiza hano hamavu kutesekesa na Lizu lya Kalunga nge muze ahanjikile Ikiye kwiza. Ikiye alingile vene nge mwaya Lizu ahanjikile Ikiye kulinga. Ikiye ayoyele chiyoyelo, muze vene, kaha Kalunga alisolwesele, mokomoko alisolwelele, kupwa Mbuto yaize ola. Jino anuka, Kalunga . . .

⁴³ Eyi Mbimbiliya yaputukile mu Kuputuka na kuya naku Kusoloka. Jino hano hakiko hali hakulinangwila echi Nguna—Ngunatondo enu kwivwushisa, nge . . . Talenu, mukala chisemunuino vanachihanjika, mu Mbimbiliya, ya chumachimwe kusoloka kuhichila mu chisemunuino.

Nge Ndanye amwene chize . . . kulumbununa chize chilota cha Nevukataneza; omwo mawangana a Vakamiyachi eka na eka nawakeza, kaha nomu akiko nawakashikumuka, kaha nomu akiko nawakahita. Kaha hali vaze vathu muli ize miyachi na aze mafuchi, aze veji kutetekela kujingola ja Vakamafuchi eka na eka, ana fungulula kaye, analingi vene mujila kana ngenakutese na kuhanjika cha chimweno.

⁴⁴ Omwo Nevukataneza, uze mutwe wa ulu, vaufumishileko, kahanjino uze wa Mete na Peleja kwiza; kaha chisemwa chavo, kutesekesa na—na chisemwa cha chumakana, na kutesekesa na chuma muka ahanjikile kapolofweto, mukikovene. Nevukataneza, uze mutwe wa ulu, uze unapu waunene kaha Wangana watete. Kahajino va Mete na Peleja kupwa palata. Kaha jino kwiza nakushikumwisa kujitungi, kwa—kwapwile unengu. Kaha kala chikungo kakoleleleko chikuma na kukoleleko; ulu kupwa chachivwovu. Kaha chejile nakukumina mu fwelu, echi chinapu chakukola chikuma hali vyosena, chapwa fwelu.

Jino, hali aze mawangana ejile nakushikumuka vene, ha kupwa chacho, mujila kana uze kapolofweto ahanjikile nge vakiko navaya nakulinga. Kaha chuma muka apwilenga nakulinga? Ikiye apwilenga na kutumba mbuto manangana mafuchi atale, kaha lwola lwosena nge uze wangana uneza, walingile kutesekesa na mwosena omwo lyahanjikile Lizu.

⁴⁵ Kaha jino Meshiya apwile nakwiza nakusoloka. Kaha omwo Kulishitu asolokele, Ikiye atelele kukumbulula kutesekesa na Mazu a Kalunga aze atelele kuzalishiwa, aze kapolofweto ahanjikile, nge Ikiye mwaya nakulinga.

Mose ngwenyi, “Ikiye mwaya nakupwa—Ikiye mwaya nakupwa Kapolofweto wakufwana nge yami.” Kaha kachi ove muya nakupwa...etu tukwechi lwola lwakufwanyisa nachize chakunyima na kusolwesa chize mulwola lwamwaza, omwo Isalele apwilenga muundungo kuli va Yijipitu, nomu Mose asemukile mukusehewa, mwana wakulimanyina; kaha nomu ikiye—ikiye ejile, kaha vamukulishile, kaha nomu ikiye vamuswekele mamahongo; kaha nomu ikiye ejile nakupwa twamina, ayile mujipili na kutambula shimbi, na kushikumuka nakukinduluka. Kaha kapwile kaha twaminako; oloze ikiye apwilenga kapilishitu, kaha nawa mwangana, kaha nawa nguvulu. Vyuma vyosena vize, kaha nomu vize vyamanyinyineko vene Kulishitu. Kaha Mose ngwenyi, “Uze Mwata Kalunga kenu mwakaya nakumikatwila Kapolofweto wakufwana nge yami.” Talenu?

⁴⁶ Jino, omwo Kulishitu asemukile, Isalele apwile cheka muundungo wa Wangana wa va Loma. Kaha Ikiye apwilenga hiya? Kusemuka Mwana wakulimanyina, kaha wakusehewa, nomu Ikiye vamukulishile. Nomu Ikiye ayile kujipili, kaha nakusuluka na kuhanjika ngwenyi, “Enu mwevwa lyehi ngwavo, vaze vakushikulu, ‘Kanda namukevako.’ Enu mwevwa lyehi ngwavo, ‘Kanda namukalinga ujila ko,’ oloze Nangumilweka ngwami, wosena mwatala hali pwevo nakumufwila, kaha nalingi lyehi nenyi ujila.” Apwile Mukakuhana shimbi, talenu, kaha Wangana, Kapilishitu, Kapolofweto, chochimwe nge ikiye. Shikaho vyuma vyosena evi vyatela kuzalishiwa, kaha omwo

chihela chapwileko cha chiyoyelo cha Meshiya, omwo chize vachinjikijile.

Jino, echi chinahase kupwa kunangula chachisuku Nangungula chindende. Ngwatondo enu muchivwishise jino.

⁴⁷ Nge Lizu vanalihanjika lya chisemunuino chimwe, nge kulinakuya nakupwa muthuumwe kukatuka nakwiza nakuzalishiwa Lizu, mwomwo Kalunga nachihanjika Echi shikaho. Chinapu kwinjikijiwa cha Lizu vahanjikile. Kaha Yesu ateselemo muvyuma vyosena, kaha apwilenga Lizu, kwinjikijiwa kupwa Meshiya. Aha hakiko hali nawa Mazu, vahanjikile mu Mbimbiliya, ahamakumbi amakumishilo. Aze Mazu atela kwiza kukuyoya.

⁴⁸ Kaha etu tunawane hano nge, nge mumakumbi a Mwata wetu, liuka haze tele Ikiye vanamukane lyehi shimbu kanda Ikiye ezenga kuli Pilatu muzuvo yakusopesela. Vakiko vanamukane Ikiye, kufuma halikumbi lize vene mulimo Wenyi waputukile kupolofweta kaha kuvalweza vakiko Muchano wa Lizu. Kahajino, vakiko kavashashile kwivushisa chizeko, omu Ikiye, kupwa Muthu, kuhasa kutachikiza vyapwilenga mumichima yavathu. Vakiko vahonene kutachikiza, nge lize Lizu lya Kalunga! “Kaha eli Lizu,” eyi Mbimbiliya ngwayo, “lyapwa likaku tachikiza vishingenyeka na kujina cha mumuchima.”

⁴⁹ Kaha vakiko vatondele kumusanyika Ikiye kupwa shipilitu wamwaka. Ikiye ngwenyi, “Nanguya nakumikonekela enu hali chize. Oloze nge Shiipilitu Wajila mweza nakulinga chuma chochimwe, kuuhanjika lizu lyakulimbakala na Echi kaveshi kakukonekeleko.”

Kaha vyuma vyosena evi Ikiye apolofwetele kupwa mulikumbi lino, vyuma vimwe vyatela kuneha kuyoya. Oloze nge Chanehele kuyoya, Na chiya nakuambakana chikuma kuhambakana omu vali nakushinganyeka hali Echi, palanga nomu nachiya—nachiya kaha nakupwa pungu ya Kusakula kumona Echi. Lwolalwosena, kupwa wa Kusakula chikiko kaha chuma nachiya nakumona Chize, mwomwo Chize kusakula nakutongola kumona Chize. Shikangaho, kacheshi kuhasako, numbatuhu kalajila.

⁵⁰ Yesu Ngwenyi, “Enu kamweshi kuhasa kwiza kuli Yami. Kakweshi muthu mweza kuli Yami kuvangila Tata namukoko; kaha vyosena Ikiye nanguhane Yami naviya nakwiza kuli Yami.” Talenu? Talenu? Shikaho kakwapwilenga jila imweko. Ikiye ngwenyi, “Enu mukwechi meso oloze kamweshi nakumwenesako; matwitwi, enu kamweshi nakwivwako.” Ngwenyi, “Chamwaza mukiko apolofwetele na Isaya nawa halienu.” Talenu? Isaya upolofweto wenyi wasolokele, kuulingisa kusoloka.

Kanda kuvulyama echiko, hano mokomoko enu vakakwivwulila hatepu, eli linapu Lizu lya Kalunga lyatele kusoloka. Kalunga ali wakukashiwa kumona nge Echi chinalingika.

⁵¹ Chochimwe nge Yowano Mukakujimika vamutongwele kulivangaho kulutwe lwa Kulishitu, kuze kwatela kupwa muthu umwe kulovoka nakumbata chize chihela. Lize Lizu lyatela kuzalishiwa.

⁵² Kahajino omwo Yesu ejile kupwa Meshiya wa kuwavwishiwa, kaha nakulinga vene muze Lizu lya Kalunga lyahanjikile nge Ikiye atela kulinga; kaha ohonyi va Yuleya vapwilenga nakutalila chumacheka, “uze Mwangana kwiza na mukombo wa fwelu mulivoko Lyenyi,” chize chapwile chakulutwe. Oloze Ikiye azalishile Lizu lyosena.

Kwapwile likumbi limwe mu Kapelenawu, omwo Ikiye ambachile Chisoneka na kutanga, (mwamwene?) Ikiye atangile kaha chihanda cha Chisoneka. Kaha jino Ikiye atulikile Mukanda hamavu, kaha ngwenyi, “Lelo echi chinazalishiwa.”

⁵³ Omwo Ikiye apwilenga nakunangula ha mwaka wakusokoka, jino, mwomwoika Ikiye ahonene kutanga nakusongo Yacho? Mwomwo Chapwilenga cha kupandama ku Kwiza Chenyi chikwavo. Vakiko kavatelele kutachikiza chizeko. Chize chapwilenga chachize chisemunuino chize omwo Ikiye mwakaya nakwiza.

Oloze muchisemunuino chize Ikiye apwilengamo, ou ukiko mulonga Ikiye ahashile kuhanjika, “Echi Chisoneka chinazalishiwa lelo kumeso enu. Hano vene muli nakumona Echi. ‘Kunangula ngonde ya kutwitavila, na kukasa michima yakuhokoka, na kuhindula vakakuviza.’” Chikiko Ikiye ejililile.

Chuma chikwavo Chapwilenga—chapwile kuneha kusopesa kuli Vakamafuchi eka na eka, kaha navyangocho, shikaho chize chejile nakushisaho. Talenu, va Kamafuchi eka na eka vamukanyine Ikiye, chatete.

⁵⁴ Jino, ha kusukika, aha tuli lelo ha mutwe wachihande, wa “Yesu kumavoko enu.” Lizu lya Kalunga linapunga lya kwinjikiza mwosena, linapu lya kwinjikijiwa kakavulu, nge Ikiye apwilenga kukumbulula cha Lizu lya Kalunga. Kuze vase vakusoneka . . .

⁵⁵ Mwamono, Kalunga Echi achale lyehi. Echa milimo yitange Echi. Oloze, mwamono, vakiko veji kumbatanga lizu lya muthu umwe hali Chize; lizavu lya vathu. Vakiko vapwa tupuputa chikuma ku Muchano, uze, nge Muchano vanaunehe, vakiko veji kuhona kumona Chize. Oloze, mwamono, Kalunga apwa wakwoloka, Ikiye achisonekele Echi muze. Ikiye achisonekele, hanovene mu Mukanda, chumamuka nachiya nakusoloka lelo, shikaho Echi nachiya nakuzalishiwa. Oloze veka vase vakuhona

kutongola kumona Echi, kaveshi kahasa kamona Echiko, talenu, vakiko—vakiko Va navifutakana.

⁵⁶ Kaha eyi ikiko Jila vakiko vapwilenga Nacho. Vakiko kavachitachikijileko nge Apwile Ikiye. Kaha ha vinjikizo vize nge Ikiye apwile Muluwa wa luze lwola, naumwe pimbi ahashile kukana chize. Kapolofweto kenyi ahanjikile echi; ikiye ngwenyi, “Nguli, Ngwatela kutepuluka, mangana Ikiye akanduke. Kangweshi wakutelako kukasununa mendelo Eyi, oloze Ikiye nemana mukachi ketu muli enu,” ngwenyi Yowano. “Kaha Ikiye mwakeza. Kaha ngimbu ili kumiji ya mutondo; kaha mitondo ize nayihona kuneha mihako navakautetako nakuufumisa mumusenge, mangana, mokomoko kuufumisa mu—muwande wa mivinyo, mokomoko mu—mokomoko mu litepa. Kaweshi kukapwamoko chekako.”

⁵⁷ Jino, etu tuwane nge vize vyuma kana vyasolokele muze vene mujila muze Ikiye ahanjikile. Ikiye ahashile kutanga vishinganyeka vyavo mukachi ka muchima. Ikiye apwile Kapolofweto. Vyuma vyosena vize Ikiye ahanjikile, vyasolokele vene mujila Ikiye ahanjikile.

“Nanguya ku Yelusalema. Kuze vali nakuya Nakunguhana kumavoko avakashili. Kaha vakiko navakaya nakumuyanjisa Ikiye nalisungu kaha Ikiye navakamusukika. Kaha halikumbi lyamuchitatu Ikiye mwakaya nakusanguka cheka.” Oloze ngwenyi, “Monenu ngwenu munahono kwambulula echi.” Kaha Ikiye achifwikile Echi kufuma kuli vakiko, mangana vakiko vahone kwivwushisa Echi palanga Chize chinazalishiwa.

⁵⁸ Talenu, lwola lwaluvulu Ikiye eji kutwechela etu tupwenga tupuputa palanga nomu ola ize etu tunatondo Chize. Ikiye eji kutwechela twizenga nakupwa tupuputa ku vyuma vimwe evi tuli nakumona lelo, mwomwo luno hilwola etu tunatondo Evi, kwibjikiza likumbi eli tuli nakuyoyelamo. Talenu? Masetu kavatachikijile vyuma kanako. Eyi Mbimbiliya yahanjika ngocho nge vakiko kaveshi kavitchikizako. Ikiye aviswekele kuli vakiko, kaha mu—mu makumbi akumakumishilo Nawakaya nakuwasolola kuli vana va Kalunga; mokomoko, kulingisa vakiko kusoloka, kuvasolwela upahu Wenyi na kwalisa Chenyi hano haamavu.

⁵⁹ Kaha vyosena vize Ndanyeke ahanjikile ha makumbi akukuminyina, kaha nomu, “Vaze navakatachikiza Kalunga kavo navakaya nakwenyeka.” Kaha Visoneka vyavivulu vili nakwendahamwe nalino likumbi etu tuli nakuyoyamo! Omwo ou upi, jiola jakuhungumwisa najikapwa hano hamavu! Kaha muzevene nge omu etu tuli nakuzalisa Echi.

Vakiko, vakiko vapwile—vakiko vavahanyine lihanya lya kumona nge Ikiye, kaha, oloze vakiko vakanyine uze vene Meshiya.

Kaha lelo echi chili chumachochimwe, chize vene chapwile chochimwe. Etu vanatuhane lisesa, mwomwo Kalunga keshi kuhasa kusopesa chakuzeneka chatete kupwa...kupwa wakuvulukila kwoloka ha kusopesa Chenyi.

Jino, kachi enu navamilweka nge—nge muthu umwe ali nakuya mujila, ali nakulahisa; enu munahase kumwika, nakuhanjika, “Kuli umwe—umwe wina omu mujila kuze. Kachi ove mutwalilaho kulahisa, ove muya nakufwa.”

⁶⁰ Kaha vakiko, “Chakuzeneka mangana, Ngunatachikiza ovyo Nguli nakulinga.” Kahajino, munamono, aze manyinga kaweshi kuhasa kupwa hali enuko, mwomwo enu mwava huhumunanga chakutamoo.

Chamwaza, Kalunga eji kulinga chuma chochimwe na Lizu Lyenyi. Ikiye mwosena eji kuhuhumuna vathu jenyi shimbu kanda kwiza cha kusopesa chenye, kaha eji kusola vinjikizo Vyenyi na vikomwesa vize apolofwetele mu Mbimbiliya hali chize chisemunuino. Ikiye eji kusololanga kuli vakiko, kaha vathu veji kutambukanga nakuhita hali Chize.

Kacheshi chachashiko kuli muthu kuya kuhetese. Muthu ivene ikiye eji kuzungisanga nakupula jila ivene yakuya kuhetese. Lize likuli lyatete wambulwile, unatachikiza nge chakuhenga. Likanya lyatete lize wanuine, watachikiza nge chakuhenga. Upi uze watete walingile, unatachikiza nge chapwilenga chakuhenga. Oloze muchivezu chove, chakulwekele nge chakuhenga, oloze hanga muya nakuhita na chize kumunyika chichila, kuhita nakutumbuka uze mungowa. Ove uli na kasekesa. Ove uli nakutondo kulinga, mwosena omwo, kulisolola nge uli chindume umwe wamunene. Talenu? Oloze, anuka, uli nakuzungisa jila yove yakuya kuhetese. Echi kacheshi chachishiko kuya kuhetese. Ove watela kukana Muchano.

⁶¹ Shimbu kanda ulyeke, ove watela kutumbuka kumunyika chichila. Shimbu kanda ulyeke, ove watela, muno vene mujila, ove watela ku—ku kuhuhumuna chize vanahake mujila. Oloze, ove, ove ukwechi jila yove hali chize, muthu ayikwechi lelo. Kaha ikiye atachikiza kuhambakana kalamuthu wosena, kaha ikiye keshi kuhasa kwivwulila ku vize—vize vinjikizo nakuhuhumuna cha kwiza cha Kusopesa, kuli vase vanakane Kulishitu.

⁶² Jino talisenu, kaha chuma vakiko vetavile chakushisa muli Kulishitu. Jino shinganyekenu eli liuka lya lyalelo, upuputa wvakiko. Vakiko vakanyine uze mukakujihali likungumbuwa, Mbalapa. Muthu vanenjikiza kupwa chihwanga, kaha apwile nakuvandamina kusopesa chenye. Kaha ikiye—ikiye vamwinjikijile kupwa—kupwa chihwanga, kaha apwile muthu wamupi. Kaha mwomwo kaha—kaha Chiyoyelo cha Yesu . . .

Uze, Ikiye, Ikiye avahonesele. Ikiye ngwenyi, “Hiya muli enu mwanguhana mulonga Yami washili?” *Shili* ya “kuzeneka kufwelela.” “Kachi Nguli nakuhona kuzata milimo ya Tata Yami,

kajino kanda Mungufwelela Amiko; kachi Kangwamilwekele enu Muchano wa Chisoneka. Kaha Chisoneka chinahanjika kuli Yami, Chivene. Tondenutondenu mu Visoneka,” Ikiye ngwenyi, “pamo mu Vikiko enu mwashingenyekeka nge enu muli na Kuyoya Chahayamyaka, kaha Akiko Oamwe ali nakungwambulula Yami muli chino chisemunuino.”

⁶³ Oloze vakiko ngwavo, “Ikiye eji kulilingisanga Lyavene kupwa Kalunga. Ikiye eji kulilingisanga Lyavene kupwa chumachimwe.” Ikiye kalingile nachumako . . . Kalunga amulingishile Ikiye kupwa Kalunga; Ikiye apwile Kalunga. Ikiye apwilenga chize kuzalilila cha Chisoneka. Ikiye kanda lyehi alilingise Lyavene kupwa chumachimwe. Kalunga amulingishile Ikiye kupwa omwo Ikiye apwilenga. Kaha, jino, echi chili mwomwo yapwile ola ya Lizu kuzalishiwa. Shikaho, oloze vakiko kavahashile kumona Echiko, mwomwo Echi chapwilenga chakulimbalaka na kujina cha vikungulwilo, chuma vakiko vatungile hali Kulishitu. Kaha chapwile upuputa uvene wakufuma ku Lizu.

⁶⁴ Jino, kaha kusali ikwavo, jila yakumufumishilamo ou Mukweze, vakiko vetavilile uze chihwanga, wakuvwisa woma likungumbuwa, nawa. Apwile mukuli kungalila, mukuli kuli vakiko; chihwanga! Vakiko vetavijile chize, mwomwo, na—na kukana Kulishitu.

Kaha shimbu kanda lunga mokomoko pwevo etavile kuhenga, vakiko vatela kukana kwoloka. Kuli chumachimwe ha tengeso yakalunga, yikwechi shimbi kuli chize, nge watela kukana chuma chakwoloka shimbu kanda ove kwitavila chuma chakuhenga.

Nge omu ngunatange, ku—ku hona kwambulula makuli . . . Enu—enu mwahanjikaho lyehi makuli kuhona kuhanjika mwakwoloka. Ove wambulwile makuli keshi mwayile chivezu choveko. Ove wambulwile kwonga kuli mama mokomoko visemi jove omu vakulwekele mwakulinga. Mokomoko, numba tengeso ivene yeji kukunangula nge kawatela kulinge chizeko. Shikaho, shikangaho, ove, kukana Muchano, ove watela kwitavila echi—echi—echi kwonga, kaha ove watela kukana Muchano shimbu kanda kwitavila kwonga. Talenu?

⁶⁵ Shikaho omu mukiko mujila ava vakweze valingile, vakiko vakanyine Muchano. Kaha Ikiye apwile Muchano. “Yami Jila, na Muchano, kaha na Kuyoya.”

“Kukuputuka Lizu apwilengako, kaha ou Lizu apwilenga na Kalunga, kaha ou Lizu apwilenga Kalunga kukuputuka. Kaha Lizu alilingishile ivene kupwa wamujimba wanyama nakuzuzumana mukachi ketu.” Mu Chimoteu Wakulivanga 3:16, “Chakuzeneka jipami, mangana apwile akusweka akutwama chakalemesa kumeso akalunga, Kalunga alilingishile kupwa wamujimba wanyama, vamukwachile na mavoko avo.” Kalunga,

Yehova! Echi—echi chili chuma chakulikomokela, echi chili chakuhayamisa, kushinganyeka nge Kalunga Ou eji kuhakanga ava—ava—ava vatanganyika muutangatanga, uze atangile vatanganyika mukuvulu pamo makombakaji na makombakaji kutohwa kuhambakana kano kaye. . .

⁶⁶ Kaha kachi imwe hali vase vatanganyika navaputuka kwiza hano hamavu, ha kulaha pamo teni sauzande milosi mu ola, mwomwoika, nachiya nakumbata handulendi miliyoni ya myaka hakulinga ahete hano; kwakusuku. Kaha vase vatanganyika vavandende kutwama, kusoloka nge vali kaha setimeter hali umwe namukwavo, kufuma hano, vakiko vali hahasuku kufuma hali umwe nakuya hali mukwavo kuhambakana omu tuli kulivakiko. Kaha, ohonyi, kakweshi namba umweko kaha chuma muka chavakwata muvihela vyavo. Kaha ou utangatanga waunene, mamaah, yami, evi atunga na evi vili kutohwa cha Kalunga Uze ahashile kulinga vyumakana! Umwe atela kukwachilila mukwavo. Ou ukiko mulonga vanemanyina mujila kana. Kachi vakiko navafuma muze mukwata, kaha punga yosena nayiholoka.

⁶⁷ Omu mukiko chasolokele na Mumilembe. Omwo Eve afumine mujila yaize punga na jishimbi ya Kalunga, muyachi wosena kuholoka.

Ou ukiko ukalu tuli nawo na lelo. Etu katwatela kulovoka nakutunga lizavu na vikungulwilo, kaha vyangocho. Etu twatela kupwa vana vamaunga na vana vamaapwevo va Kalunga, kukwachilila utangatanga wakano kaye hamwe.

⁶⁸ New York, mumulungu unahichi, Ngwapwile nakwivwulila ku mujimbu ngwatanganga, mokomoko ngwenyi Einstein, uze sayatisiti wamunene, uze—uze vavuluka ngwavo wongo wa elu—wa lwola. Kaha Ngwapwilenga. . .ngwevwile chize. Kahajino Ngwayile nakwivwulila Norman Vincent Peale, ha kulingangula chenyi omu vathu vatela kulinga, mokomoko kutambuka, kaha nakulingisa vavene mu kulinangula hali muthu.

Khajino, hali Einstein, ikiye apwile nakuhanjika ha utangatanga uze uli mukachi kavilinga, namukachi ka vatanganyika. Kaha kachi muthu nahase kutambuka na kulahisa, Ngwafwelela ikiye ngwenyi, ya kumunyika, . . .Jino, Ngwashinganyeka, chuma muka echi, . . .eyitisikisi sauzande? [Ndumbu walunga Neville ngwenyi, “Handulendi na eyite sikisi.”—Muka.] Handulendi, handulendi na eyite sikisi sauzande milosi ha sekondi, kwenda cha echi kumunyika. Kaha jino pazula echi muminyutu yitanu, jimiliyone jingahi na jimbiliyone jingahi najipwa. Kaha na—na handulendi na twende miliyone myaka ya lwola lwakumuyika lukiko naupwa nalwo managana uhase kuya muutangatanga. Kaha jino handulendi na twende, mokomoko handulendi na fifite miliyone ya myaka; handulendi

na fifite miliyone okwo, na handulendi na fifite miliyone kunyima okwo.

⁶⁹ Kaha vakiko vavetele mumwe chize chavemikile. Kaha vakiko, hanyima yakuya nakukinduluka, nachikumbata myaka seli miliyone mushipili wakuheta kuze, seli handulendi miliyone ya myaka. Seli handulendi miliyone myaka kupwa namushipili wakuyako, kaha, omwo naukakinduluka cheka kumavu, oho ove unayi mумыaka fifite. Ove muya nakuholokele mu Hayamyaka. Kakweshi numba makumishilo kuli Chizeko.

⁷⁰ Kaha kushinganyeka, chize, Kalunga uze atangile vyosena ovyo na kuvihaka muchiyulo, kaha nakuvihanjika, kwiza nakulilingisa kupwa wa mujimba wanyama na kuzuzumana mukachi ketu, mangana atusokole. Kaha kutuvumbika etu na Kupwa Chenyi chakulitulaho, nge Ikiye—Ikiye mwaya nakwimana hano hamavu ashili muno mumakumbi akumakumishilo, kaha kwinjikia Lizu Lyenyi kupwa ngocho, mwomwo Ikiye ali wakukashiwa kuli eli Lizu. Amena. Echi kulimanyina na chiyulo cha ou Umwe wamunene Ou akwata vyuma vyosena mulivoko Lyenyi!

⁷¹ Talisenu, awa mafuchi. Awa—awa mauka atela kwalumukila ku Lizu Lyenyi, chatete. Kahajino, hanyima ya liuka kwalumuna Echi hamavu, na kumusanyika Ikiye kupwa “Mbelezembule, mokomoko shipilitu wamupi,” kahajino Echi vachinehele kumeso a fulumende, shikaho muyachi wosena vaupaishile. Jino etu tunawane Yesu, chimene chino, kumeso eyi—eyi fulumende, Pilatu, va Loma, kupwa vakweseka. Kaha etu tunawane nge liuka lyamukanyine, chatete, mwomwo vakiko kavafwelele Mujimbu Wenyiko, mwomwo vakiko vahonene kutachikiza eli Lizu.

⁷² Yesu avalwezele vakiko, “Kachi enu namupwa na—namupwa na kwivwa Mose kuhanjika, enu namuya nakufwelela Lizu Lyami, mwomwo ikiye apwa uze vene ahanjikile kuli Yami.” Talenu? Kuli Lizu lya kapolofweto. . . Eli, ou—ou Mwata kwiza kuli kapolofweto, kaha uze kapolofweto kuhanjika eli Lizu lya ola ili nakwiza. Kaha hano Hinavalijiva, kaha ngwavo, “Enu ngwenu mwamutachikiza Mose kaha ikiye apwa twamina yenu. Enu kamwamutachikiza Mose ko, kaha cheka kamwatachikiza na Lizu lyenyiko.” Mujila ikwavo, Ikiye ngwenyi, “Yami Lizu. Ami yami Lizu vanasolola lize Mose ahanjikile nalikeza, kaha enu namupaisa Yami.” Talenu? Mwomwo visemwa vyavo, talenu, liuka kupaisa Ikiye.

⁷³ Jino, etu tunawane Ikiye jino kumeso a Pilatu, kaha kumwinjikiza kanawa, kanawa, kumwinjikiza kupwa walwola, mokomoko eli liuka ha muluwa walwola. Vakiko vavahanyine lihanya lyakumona nakufwelela, oloze Valikanyine. Mwomwoika Valikanyine? Vavavulu mulivakiko vatondele

kufwelela Chize; oloze visemwa vyavo, keshi vathuko, oloze visemwa vyavo!

⁷⁴ Jino, munamono, nge Yikotemu ejile na ufuku, kaha ikiye ngwenyi, “Lapi, etu tunatachikiza nge Ove unapu Mulongeshi wakufuma kuli Kalunga. Etu tunatachikiza nge Ove unafumu kuli Kalunga. Naumwe muthu pimbi nahase kulinga vyuma kana kuvangila Kalunga ali na Ikiye. Etu...” Hiya ou “etu” ikiye alinakuhanjika ika? Eli liuka, vaze Fwalisewu, vaze vatwamina valize likumbi. “Etu tunatachiza. Etu tuli vene mwosena vakukunyuka nge Ove uli uze Muthu.” Mwomwoika jino vakiko kavahashile kulinga chizeko? Mwomwo, jijila javo. Ngwatondo echi kwingisa echi nakuchijimika, mwomwo echi chikiko Nguli nakumbata. Talenu? Jize jijila jize vakiko vengililemo vevene, vapwile umwe vakiko vahonene kushijika. Chipwethuhu vakiko vahonene kumona Uze Meshiya, oloze jijila vakiko japwile jakulinunga najo kavahashile kujitavila Jikiko.

Enu—enu munevwushisa? Jino Ngwatondo kuhula, kufuma kuli echi kuzeneka kwivwushisa, vangahi vevwushisa chuma kana Nguli nakuhanjika? Katulenu mavoko enu. Chosena chakwoloka.

⁷⁵ Jino, jila! Vakiko vafwelela Chize, kaha vakiko vatachikijile Chize omu chapwile. Omu Nangufwila kuhanjika chuma chochimwe na lelo! Etu twamono omwo chatela kupwa hano lelo, kaha etu twamono Echi, oloze ize jila kayeshi kuvetavila kwitavila Chize ko. Vakiko vali vakwingisa na jize jila! Talenu, uze kapwile muthu kahako, ili jila.

Nge muze Ngwahanjikanga hali Kolokoko uze vanajihi. Keshi muthuko; nge omu Ngwatachikiza, ikiye apwa muthu wamwaza, ikiye kalingile nachuma chachipi nge omu Ngunatachikiza. Oloze yinapu jila kaha. Keshi vathuko; yinapu jila.

⁷⁶ Kavapwile va Yuleya; yapwile jila yavo. Ize jila yamupaishile Ikiye, mwomwo Chize kachetavijile na jila Javo. Enu munevwushisa? Jino, na vyuma vyovimwe kusoloka jino. Kaha vakiko vasakwile ou mukakole walikungumbuwa, uze chihwanga.

Oloze ukalu jino munengila fulumende. Shikaho fulumende inavilika ou mulonga, mwomwo, kumbata kuyoya, echi chatela kwiza kumeso a fulumende. Vakiko kavavetavijile kulinga chizeko, mwomwo vakiko vapwile mwishi ya—ya utwamina wa Loma, kaha vakiko kavahashile kumbata kuyoya chipwetuhu liuka lyavo lyahajikile ika, “Etu twatela kulinga ngocho.” Mwomwoika, vakiko—vakiko vahonene kulinga echi chakuzeneka, chatete, Loma kuvahana vakiko lushimbi kulichize. Shikaho, echi vatela kuchineha kumeso a fulumende. Jino fulumende vanayingisa muchuma kana.

Jino, kachi keshi chifwanyisako lelo, Kangwamona chizeko. Telenu, mukiko vene!

⁷⁷ Eli liuka lyamukanyine Ikiye, jino yinapu kwingilamo cha fulumende. Lwola lunea zaze lifuchi, havyosena, chozena, lyatela kwiza. Ukalu vaunehela. Kusoloka chivene chejile. Lifuchi lyosena vamukanyine Ikiye, kaha kuneha ndombo ya Kalunga hali vakiko. Kaha shimbu kanda . . . Numba liuka lyamukanyine Ikiye, lyanehele ndombo ha liuka. Oloze jino lifuchi kumukana Ikiye, kuneha ndombo hali vosena.

Kaha, lelo, kaye kamukanyine Ikiye, nakuneha kusopesa kukaye kosena. Mafuchi osena vatela kuwasopesa.

⁷⁸ Kaha etu tunatachikiza nge chize chasolokle mulwola lwa mukulwane wamaswalale wamunene wamu Loma, Titus. Ikiye ajihile Yelusalema, kaha jino chamakumishilo . . . Vakiko valile mwana yaumwe namukwavo; kulya vipalapala vya mutondo, na mwila wahamavu. Kaha—kahajino Titus engilile kaha nakuvapula pula jimbango na kwocha ji mbongi, kaha manyinga kupwulumuka—kupwelumukila mujila nge ngachize, kuze ikiye ajihile vakiko kuze.

Kaha chapwile na. Kumeso a Kalunga wakwoloka kwecha vathu, vaze Ikiye asakwile, kwiza mwishi yamuyachi uze, kuze—kuze kupwa mulonga kana. Ikiye wakwoloka. Jenyi—jishimbi Jenyi jatonda chiyulo Chenyi. Kaha lushimbi lwakuzeneka kuzangamisa keshi lushimbiko.

⁷⁹ Kachi Nanguhanjika, atungile lushimbi hano muno mumbongi, “Echi chili—chili—chili chamwaza kuhita kumunyika chichila,” kaha jino kakweshi kuzangamisako, enu munahase kuhita kumunyika. Oloze kwatela kuzangamisa.

Kaha kuzangamisa cha lushimbi lwa Kalunga, kukana kwala Chenyi, kufwa. Kaha kwatela kupwa na kufwa, shikaho yatela kufweta.

⁸⁰ Etu tunemana mukweseka chochimwe chimene chino, kaye kanakumu, kweseka. Vikungulwilo vyosena vanakane Lizu. Ngunatachikiza echi chinevwakana kupwa chachikalu. Kaha Ngwatondo vakakuzata vali nakwivwulila, hano na jize jitepu, nawa, kweseka kwivwushisa echi jino, nge Ngweseke kuchilingisa hatoma. Oloze Nguli nakwimana punga yami, mokomoko kuneha punga hano, kaha kuhanjika chize etu kwimana, lelo, muzuvo yikwavo yakusopesa ya Pilatu.

⁸¹ Ove ngwovo, “Kachi nangwimana haze, Ngunamuhanjikilako Yesu Kulishitu.” Kaha, chamwaza, chuma muka ove uli nakulinga hali echi jino? Chumachochimwe. Talenu? “Numbathuhu liuka lyamukanyine Ikiye, Kachi ngwemanyine kusali Jenyi.” Ove ukwechi lisesa. Hu-huu. Talenu? Vakiko, vakiko vamukanyine Ikiye.

⁸² Jino Ikiye vamwesekele, lelo, mokomoko vamwesekele kaha, mokomoko, kaha ha kumweseka, ha jila yamukaye kutingiwa, chize vavuluka, kasulu ya mauka, ku—ku—kutunga mu—mu Kasulu ya Kaye ya liuka. Jino, kaha chuma muka vakiko valingile? Vakiko vanavotela nge vakiko navaya vene nakulinunga vavene hamwe na kupwa na kasulu ya mauka.

Kaha omu mu Kasulu ya Mauka, nge mauka osena atela kupwa akupanda kakasulu, mokomoko, kachi vakiko kavazangileko, enu kamweshi numba kumitavila kunangulako, ove kaveshi numba kukwitavila kulombela mukakuvizako. Kaha liuka lyove vanahase kulizachisa kupwa lya kala chuma vakiko vanatondo kuzachisa. Kachi vakiko vanatondo kutulikilamo vimbokishi, mokomoko vitwa, mokomoko kala vyosena ovyo vakiko vanatondo kulinga, kaweshi na chiyulo hali vize ko. Ove kuvangila upandame ku Kasulu ya Mauka mokomoko kukundama kumweko.

Kaha eyi ikiko jila vali nakutunga muno mu United States, echi nachizalishiwa Chisoneka, mwosena. Echi chili nakuzalishiwa muze Mwata ahanjikile kuli yami mu 1933, talenu, kaha hakiko etu tunemana chimene chino.

Kaha Yesu Kulishitu, ou Lizu, ali ha cheseko, lelo, nge omu chapwile ha kumusukika, kaha jino Ikiye ali kumavoko etu. Ikiye ali kumavoko a kaye. Eli Lizu vanalisolola, ku kaye kwosena, talenu, kaha Ikiye emana ha cheseko. Vikungulwilo vyosena vyamufumbukilile Ikiye. Kaha jino Ikiye esekele kupwa nge. . . muze mu Kasulu ya Mauka, kaha vakiko vamukanyine Ikiye cheka na kusakula jino nge omu valingile.

⁸³ Mwamono, chisemwa cheji kukinduluka cheka chivene, mwomwo chisemwa cheji kutwalilangaho lika mwomumwe. Mitondo hanga ya kola lika, kaha mwila vyeji kwiza, kaha jitemo nawa, kaha kaye keji kujinguluka nge omu lyeji kulinga lwola lwosena. Echi chikiko chisemwa. Kaha chisemwa chacho cha kusemunuina, cheka, kaha kulisemunuina chize—chize kulisolola omwo chapwa chize—chize—chize chisemwa kumeso acho. Kaha, lelo, etu tunaliwane cheka kwimana ha chihela chochimwe.

Jino, Yesu apwilenga “lize Lizu,” Mukakujila Yowano, kapetulu 1. Etu tuvosena twafwelela Echi. Ikiye apwilenga lize Lizu. Kaha mwomwo apwilenga lize Lizu. . . Ngunalembe ivwushisenu. Ikiye apwilenga lize Lizu, kaha Ikiye atela kupwa wakulimbakala na ize jila.

Kaha vakiko kavamu—kavamu kanyine Ikiye mwomwo ya vize vikomwesa Vyenyi ko. Vakiko kavamukanyine ngochoko. Vakiko ngwavo. . . Ikiye ngwenyi, “Hiya nahase kunguhana mulonga Yami?”

“Kaha kupihya muka Ikiye alingile?” ngwenyi uze pwevo wakalemesa wamundende. “Chuma muka Ikiye nalingioloze kuhindula mukakuviza?”

⁸⁴ Ngwenyi, “Etu katwamupaisa Ikiye mwomwo ya vyuma kanako.” Talenu? “Etu twamupaisa Ikiye mwomwo Ikiye, kupwa muthu, kulingisa Ivene kupwa Kalunga.” Kaha Visoneka vyavo vivene vyahanjika ngachize nge Ikiye apwa Kalunga.

Mu Isaya, uze kapolofweto wamunene uze asonekele Mikanda sikisite sikisi mu Isaya, kaha aputukile na... Kaha chatete, nge kuputuka; kaha mukachi ka Mukanda mwejile Yowano Mukakujimika; makumishilo kuyula mu myaka Yamilele. Kaha Mikanda sikisite sikisi ya mu Mbimbiliya, kaha kuli tupetulu sikisite sikisi mu Isaya. Echi chinapu chakulimanyina chapwa mujila kana. Ou Isaya 9:6, ikiye ngwenyi, “Kuli etu kunasemuka Mwana, kuli etu vanatuhane Mwana walunga; kaha Lijina Lyenyi navakamuvulukanga kupwa, ‘Mukakulweza pungu, Mwangana wa Kuunda, Kalunga Waundume, Uze Sevo ya myaka yosena, Wakukomwesa.’”

⁸⁵ Kaha visemwa vya upuputa, mokomoko jijila, kaveshi kuhasa kumona Chize nge ikiye Kalunga ko; kuhichila muli kapolofweto kavo, uze apwile Lizu lyapwile nakwiza, uze ahanjikile nge Ikiye mwapwa Kalunga. Jize jila jaupuputa! Shikaho vakiko vakanyine lize Lizu, kaha vazangile uze chihwanga, Mbalapa.

⁸⁶ Kaha, lelo, lize Lizu, kupwa hatoma walikumbi lyalelo, napu wakwinjikijiwa. Echi chinapu chuma chamwenemwene. Echi vanachisolola kupwa Muchano. “Kaha ha makumbi akukuminyina,” nge Yesu ngwenyi, “nge muze chapwilenga mumakumbi a Satome,” kaha nangocho nawa, “shikaho munachikapwa ha kwiza cha Mwana muthu.” Uze vene Kalunga, Ivene, Uze apwilenga lize Lizu, avulukile makumishilo alwola na vyuma navikasoloka; kaha vya Kumunyika navikalovoka mulwola lwa chingoloshi; kaha omwo chize, Malaki 4, Ikiye mwakaya nakutuma vyuma kana na kuvinjikiza vikiko.

⁸⁷ Kaha echi vanachinehe ha chihela cha kusakula, kaha mauka anachikane Echi. Kaha chumamuka mauka anasake? Chihwanga cha Lizu, umwe uze eji kwitavilanga jijila. Kachi ejile jila jakulimbalaka na Lizu, kahajino napu chihwanga ku Lizu. Kaha vakiko vanazange chisemwa cha chikungulwilo, keshi Lizu lya muchanoko eli linasoloka na kwinjikiza nge Echi chinapu Kalunga mukachi kavathu; na sayasi, kuhichila muvifwanyisa, na Kumunyika, uze Kangelo youmwe uze Mwata, ize Panda yamulangi Wakakahya.

Uze Youmwe ayoyele hano hamavu muze—muze mu mujimba wa Yesu Kulishitu, neza hali vathu Jenyi muno mumakumbi amakumishilo, kuze sayasi yakopela Chize. Eli liuka linamono Chize kuzachiwa. Echi vanachijikijiwa kanawa, ha jitepu na ha

vyuma vyosena, kujinguluka na kujinguluka kaye, kaha yami lyavene kuhana.

Kaha hanga, muvyuma vyosena, jijila javo jili nakufwila Kasulu ya Mauka kupaisa Muchano. Kuzanga chihwanga uze mwaya nakuhonesa, mokomoko kwimika, mokomoko kuusoka. Kaha, mwaya nakuchilinga, vakiko navaya nakwimika chama Kana. Kaha Kasulu ya Mauka naiya nakulinga echi. Echi jino chikiko lusona lwa uze chisuma; mukakole wa kulishitu, kufumbukila eli Lizu, ou napu Kulishitu. Oloze keshi kulema- . . .

⁸⁸ Vakiko vashinganyekele nge chisemwa. Vakiko vashinganyele visemwa vyavo vya vyakuli Kalunga. Talenu? Oloze kacheshi kuhasa kwimana na eli Lizu ko, kaha numbathu Kalunga kwinjikiza echi kupwa chakwoloka. Yesu emanyine na Lizu, oloze keshi na kasulu yavoko; oloze na eli Lizu. Kaha eli Lizu lyenjikijile nge Ikiye apwilenga Kalunga.

Kaha Echi chinenjikiza na lelo nge Apwa Kalunga, mwomwo Cheji kuyoyanga Chiyoyelo chochimwe, Echi chili nakulinga chuma chochimwe mukachi ketu nge omu Chalingile kunyima okwo, kaha chapolofwetele.

⁸⁹ Shikaho vakiko valingile ngachilihi? Vakiko vetavile chuma chimwe chize. . . Vakiko vetavile, chapwile vene, ize jila yapwile na kusukika Chize. Kaha kusukika cha kukasunuka chinapu kulinunga cha vikungulwilo chiliko lelo. Echi chakwoloka.

⁹⁰ Jino, chize kapwile chakulimbalaka na Visonekako. Chili na Visoneka. “Kaha vakikovatungile chifwanyisa chauze chisuma.” Kulinunga cha vikungulwilo vya mukaye kupwa Vakakulikanga, kutunga lusona lwa chisuma, chize chifwanyisa cha chisuma, kutesekesa na Kusoloka 13:8. “Kaha vakiko vatungile chifwanyisa chauze chisuma.”

Uze *chisuma* apwa “Loma.” Etu vosena twatachikiza ngocho. Oloze lwolalwosena napunga Loma, kwosena. . . Nachipwa ngachilihi apwenga—apwenga Russia, ohonyi Mbimbiliya ngwayo Loma? Talenu, ava vathu valinakumbata kujina chakuhenga. Talenu? Nachipwa ngachilihi chuma cheka, ohonyi vachivulukile lyehi nge atela kulovoka kufuma mu Loma?

⁹¹ Yenu kindulukenu kuli Ndanyele cheka, uze ulu na unonga wakuvipundo; ize ulu kayakumineka, kufuma kutukukunya mbwe nakusongo. Kaha kalamuthu natachikiza ngachize nge Russia kavayitachikijile ko. Yapwilenga Loma. Uze chazangombe uchila apwilenga Loma. Lwola lwosena apwa Loma. Kaha ize ulu kayalumukile nakupwa chumachekako, kufuma mu Loma kupwa chumachekakko; yasalile lika kupwa Loma. Kaha uze chisuma ikiye Loma!

⁹² Kaha uze Loma apwilenga na jijila jakulifukula jize ukwechi mutwe wakufwa. . . mokomoko mbandu yakufwa yajihile mutwe

wenyi, oloze ikiye asangukile cheka, kufuma mu Loma ya makombele na kupwa tata Loma. Kaha jino vakiko vali kutunga chifwanyisa kuli echi, kufuma muli uze chisuma na kwiza nakulovoka mu Kusoloka 13.

Mwamona lyehi? Eli lifuchi valisoneka kupwa namabala seteni, kaha kusoloka mu . . .Kangweshi nakuhanjika echi nge . . .Echi chili—echi chili chaungeji, chipwethuhu, nge nachiya nakusoloka mumakumi, ma- . . .kupwa kaha muchiyulo na Chisoneka. Echi vachiwana mu kapetulu 13 wa Kusoloka, lino lifuchi.

⁹³ Visuma vakwavo veji kulovokanga mumeya, muli mwakuhima kaha kuvula chavathu, mukiko yahanjika Mbimbiliya; oloze ou chisuma ejile nakulovoka kufuma mumavu, muze mwakuzeneka vathu. Ohonyi, ikiye apwilenga mwana mukoko, kukasunuka cha kulifukula; kahajinoikiye ahanjikile nge chazangombe, kaha alinungile lyavene na ngolo na kulinga vyosena vize chazangombe alingile kunyima yenyi. Mukikovenene. Shikaho talenu echi. Echi chili—echi chili kaha kupwa mujila kana. Kakweshi jila yekako yakuchivwushisa.

⁹⁴ Kaha hano jino, lelo, kutunga jila. Jila! Etu katweshi kuvandamina palanga vamwe . . .Etu tweji kwesekanga kulingisa muthu wosena ezenga nakupwa ka—ka Luteleni; kaha katweshi kuhasako. Kweseka kuvalinga vakiko kwiza nakupwa ka Mbaputishiti; etu katweshi kuhasako. Vosena vezenga nakupwa ka Mesondisiti, mokomoko vosena kupwa Pendekosita; vakiko kavahashileko. Shikaho, mangana tulinge echi, lwola lwahihi, vakiko vanatungu kasulu, mutwe, chifwanyisa cha chisuma. Mukiko vene vakiko vanalingi. Kaha chuma muka echi? Chize kusukika cha Lizu, cheka, chinahete. Echi chili ha kweseka na kwiza washi washi ha mavu.

⁹⁵ Tachikizenu, kusoloka cha Lizu, kufuma mu chikungulwilo. Echi chinasoloka. Eli—eli Lizu kuhandunuka kufuma mu chikungulwilo.

Chumamuka echi, jila muka eyi? Yinapu satellite ku Loma. Kumana Mbimbiliya kaya hanjika nge nachikaya nakupwa ngachizeko? Eyo, mwane! Kusoloka 17, vakiko vamwene Loma kukatuka na kufuma jila kutanga, ya pwevo. Uze pwevo, lize liuka lyapwa lwola lwosena kwimanyinako pwevo.

Mwomwo, Mwenga wa Kulishitu apwa pwevo. Eva ikiye aholokele; ikiye uze Umwe vatela kusokola. Kaha Liuka (chumamuka?) pwevo vanasokola.

⁹⁶ Kaha ou pwevo natwame hali chisuma uze ali namitwe yitanu nayivali. Kaha etu tunatachikiza jize jipili jitanu najivali, na vya ngocho, nge omu yahanjika Mbimbiliya omu nachikaya nakupwa. Kakweshi kuluwanganyisako. Kakweshi numba lihanya lya kuluwanganyisako. Talenu?

Kaha talisenu jino, etu tunawane nge, uze apwilenga uze “NAYE YA MAHULE.” Talenu? Kaha nevo na vanavenyi vwapwevo kulinunga hamwe cheka muusendo. Kulihi, kwapwaho lyehi, mwana wapwevo kuchina nakufuma kuli naye, eseke kuyoya mwakalemesa, mwomwo naye apwile lihule kaha wakulilengulula palanga na kanyike wapwevo kufuma nahembo. Hu-huu. Oloze jino, omwo naputuka kukola chindende, ikiye, na kulinga vyuma vyavivulu vyavipi, lyavene; ikiye kumona naye, ikiye kushinganyeka nge naye apwile wakwoloka, shikaho ikiye ali nakutungu jila yenyi ivene. Talenu? Mukikovene.

⁹⁷ Kulinunga cha vikungulwilo, chize cha Vakakulikanga mukikovene yahanjika Chisoneka mu Kusoloka 17. “Vosena, vaze majina avo vazeneka kusoneka mu Mukanda wa mwana Mukoko wa Kuyoya, apwa umwe wavo.” Umwe mokomoko mukwavo, chipwe chisuma mokomoko chifwanyisa cha uze chisuma. Eyi Mbimbiliya yahanjika ngocho.

Kaha Yesu ahanjikile vyuma kana, keshi nge ka communism. Oloze mu Mateu kapetulu 24, kuputukila na vasi 21 kutwala ku 26, Ikiye apolofwetele nge shipilitu nayikapwa muli ize jila nayikalifwana vene chuma chivene palanga nayikaya nakuhungumwisa navaze vaku Sakula kachi chahashile; va Kusakula, vaze vakwechi Majina avo akuhaka mu Mukanda wa Kuyoya wa mwana Mukoko shimbu kanda chikuku cha kaye. Kaha, kuhanjika hamuchano, chavaligishile kupwa vakukashiwa, palanga Ikiye ngwenyi kachi Ikiye kavatwile mulimo washiko, mwomwo ya vakiko, kachi kakweshi numba mukanyama vatela kulwilako hano hamavu. Kaha etu tuli kaha na . . .

⁹⁸ Ou unapu—unapu '64, keshi ngochoko? Kaha Ngwashinganyeka vakiko valinakuvula nge myaka seveteni yinafumuko, shikaho, kutesekeka na kalenda. Kaha etu kutwechi '64, 1964, nayiya nakulingisa (chuma muka chize?) seti sikisi yamyaka yasaleko, kuheta ku century ya twende wani.

Kaha mu myaka tu sauzande, kaye nakeza nakukuma jijila ja kaye, jijila jakulifukula, na kumakumishilo a jijila josena, kaha Kalunga atela kwiza. Ikiye achilingile mumakumbi a Nowa; myaka tu sauzande yatete. Myaka tu sauzande yamuchivali; ize jila yakindulukile kuze nge omu twatanganga, na chimene, kaha Ikiye atumine cheka Lizu Lyenyi. Ikiye atumine Lizu Lyenyi na kapolofweto, mulwola lwa Nowa, kapolofweto Nowa; kaha vathu vakanyine Chize, mwomwo ya jijila javo. Ikiye atumine Lizu Lyenyi cheka mulwola lwa Yesu, eli Lizu lyasolokele mukuzalilila; vathu Valikanyine. Kaha jino mu 1964, kusala na seti sikisi ya myaka palanga naku tu sauzande cheka ya myaka; kaha eli Lizu vanalinehe, kaha eji jijila Vanalikane.

⁹⁹ Twapandamako ngachilihi? Pamo kuhambakana omwo twashinganyeka, talenu, nge kala lwola echi nachisoloka. Pamo chinasoloka lyehi, ha vosena kutachikiza, nge omu Ngwahanjikanga Chalumingo chinahichi ngana hakupwa kuno. Lize lijina lya makumishilo linapunga mu Mukanda; omwo lili, kakweshi cheka kwiza nakwingilako. Aka kaye nakaya nge omu kali, oloze Liuka lili lyakujika. Tachikizenu jino nge etu natutwalilaho hano. Majina avo, jino, ikiye keshi kuhasa kuhungumwisa vaze vakwechi majina avo akusonekako.

¹⁰⁰ Chuma muka echi? Echi chatela kupwa jila. Talenu? Kaha shinganyekenu, kupwa vakuze ku chikungulwilo muli ize jila, chumamuka weji kulinganga jino? Chuma muka unalingi? Ove vanakujikila kuweluka, talenu, kufuma ku Lizu, kupwa mujila ya uhwanga ili nakumbata nakuya, “kupwa na chifwanyisa cha kumukomoka kalunga, oloze kukana Ngolo jacho.” Elu lunapu lusona lwa chisuma. Mukikovene. Talenu?

¹⁰¹ Ali chisuma haze, chuma ikiye alingile; kaha hano hakiko hali chifwanyisa, chuma chochimwe. Kaha uze chisuma apwilenga wamunene, uze atungile lize liuka lyakaye kosena ku Nicaea, talenu, nge vakiko valingishile vosena—vaosena kaye kwiza kuchize, kuli ize jila imwe. kaha vakiko vashinganyekele nge chapwile chachinene, “Naumwe pimbi ahashile kulinga jita navakiko ko,” ngwayo Mbimbiliya, palanga vakiko vatungile chifwanyisa chauze chisuma, na kuneha Vakakulikanga vosena muze mu Kasulu ya Mauka; aze atungile jila, kavatushinganyekele nge kutwama na Vakakulishitu ko mokomoko kla chuma kuvangila watwama muli ize jila.

¹⁰² Kuli chihandwa mukachi ka lusona lwa chisuma na Katachikijilo ka Kalunga. Kalunga eji kujika na Lizu Lyenyi. Enu mwafwelela eli Lizu?

Jinoenu ngwenu, “Echi chakwoloka, Ndumbu walunga Branham?” Eyo, mwane.

¹⁰³ Jino, Ngunatachikiza ove umuka Sambata mokomoko Seventh day Adventist, kuhanjika, “Chize kulama likumbi lya Sambata.” Oloze chize kacheshiko. Keshi kupwa na ukenya naenuko, oloze chili vene chakuzeneka chisoneka.

Efwesu 4:30, ngwenyi, “Kanda kuyengetesa Shipilitu Wajila wa Kalunga ko, uze enu vamijika nenyi palanga nakulikumbi lya kusokoka chenu.” Talenu?

¹⁰⁴ Jino, ou Shipilitu Wajila ikiye Lizu. Kalunga keshi vatatuko. Ikiye apwa Kalunga youmwe mukusoloka chitatu, jiuwishu jitatu. Kalunga, uze Tata, kuze kushimbi; Kalunga, uze Mwana, mulikoji; kaha Kalunga, ou Shipilitu Wajila, nge omu Mweji kumuvulukanga, Kalunga youmwe mukusoloka muli Shipilitu Wajila. Kalunga, uze Tata, apwilenga lize Lizu; Kalunga, uze Mwana, apwilenga lize Lizu; kaha Kalunga, uze Shipilitu Wajila,

ikiye Lizu. Talenu, anapu maufwishi atatu. Kaha ku- . . . Kaha ou Shipilitu Wajila akujika, shikangaho ove vakujika na Lizu.

Jino ove ngwove, “Chamwaza, Yami vangujika na . . .”

¹⁰⁵ Chamwaza, kahajino, chinasoloka chivene. Talenu? Echi chinenjikiza. Ove kaweshi kupandama kujijila jimwe, na kupwa wakujikiwa na jijila na eli Lizu, talenu, mwomwo echi chili chakulimbalaka, kuli umwe namukavo. Enu kamweshi kuhasa kulinga echiko. Chosena chakwoloka.

Jino etu tunawane, nge, kuzata chalikina lyalinene, kuzata cha likina lyalinene, kupwa kaha . . .

Eli likina, likwechi . . . kulizachila, likwachi ji piston, ma valve, na carburetor, kaha navyangocho. Mukiko—mukiko lya zata.

¹⁰⁶ Ngunatondo kuahanjika chumachimwe ku Liuka hano vene, chineza mukwanuka chami. Talenu, omu mukiko . . . Ngwafwelela nge tuli hakamwihi na makumishilo, Nguli—Nguli nakuya nakuhanjika chumachimwe jino. Talenu? Talenu? Echi—echi kuzata cha likina, kuli vathu vavavulu vali nakweseka kulumbununa kuzata chalyo ohonyi kavatachizako. Talenu? Chuma kaha enu . . . Kaha, munatachikiza, enu mwatela kutachikiza echi. Echi kuzata vanachitachikiza. Jino kachi Mose . . .

Kachi kala muthu mwahanjika ngwenyi, “Nowa, Ngwatondo ove ulumbunune echi—echi kuzata cha ou wato kufwapuka. Chili nangachilihi?” Ikiye keshi kahashile kuchilingako.

Ove kawatela kutachikiza zachisoko; shina Chinyingi Chacho kaha. Talenu, chize Chinyingi chikiko mutonda kutachikiza.

“Ngachilihi?” Chamwaza, kachi muthu umwe ejile ku Isalele, kaha ngwenyi, “Ngwenyi, Mose, Ngwatondo kwivwushisa. Nautunga ngachilihi tunyama na lizu lyove ove lyavene?”

¹⁰⁷ Ikiye ngwenyi, ngwenyi, “Keshi lizu lyamiko. Linapu Lizu lya Kalunga. Ikiye angulwekele yami kulinga chuma kana.” Talenu?

¹⁰⁸ “Ngwa—Ngwa—Ngwa . . . Kulweka, lumbununa kuli yami omwo watunganga vajiji kwiza hano hamavu, ohonyi kahapwanga numba umweko, nge vajiji vavavulu ha mavu.” Talenu? Mose kahashile kulumbununa chizeko, lyavene. Ove kawatela kulinga chizeko. “Ove naulingisa ngachilihi peho kufuma kumututuko kwiza na kutuva wina mukachi ka Kalungalwiji Uchila, kaha etu vosena twakukavangizanga hamavu aumu. Lumbununa zachiso kana. Chuma muka—chuma muka—chuma muka chize ize—ize—ize jila mwazachihile, Mose? Chuma muka? Ngulweke yami kusanda sanda cha sayasi kaha atom muka ove wakasununanga.” Talenu? Talenu?

¹⁰⁹ Ikiye kachitachikijileko. Ikiye, chamwaza, ikiye kachitachikijile zachiso kanako; ikiye atachikijile kaha chinyingi. Kaha—kaha mukiko kaha.

Kangweshi kuhasa kumilweka enu omwo Nguli nakuyoya. Kangweshi kuhasa kumilweka omwo muli nakuyoya, oloze muli nakuyoya. Kangweshi kuhasa kumilweka omwo muchima wove, na kulya chove omu chili nakuya nakwingila na kutunga manyinga. Kaha chinatondeka jize—jize ngolo ja kulya, na—na kuya mumbango yamuchitatu ya mujingwa na kwalumuka na kupwa kuyoya cha manyinga, na kutuma chize cheka nakuhita muli ove. Kangweshi—Kangweshi kuhasa kulumbununa chizeko, oloze cheji kulingikanga. Talenu, cheji kulingika. Kangweshi—Kangweshi kulumbununa echiko. Ngunahono kutachikiza zachiso. Chinapu chinyingi.

¹¹⁰ Jino, Mose pamo atachikijile zachiso, oloze kachapwile chihela cha kala muthu kwivwushisa chize shina Mose kaha. Vakiko vatachikijile nge chazachiwile, kaha chize chasuulwishile. Mwomwoika vathu vanahono kusuuluka mujila kana nalelo? Talenu? Kala muthu keshi kuhasa kupwa Mose ko. Kwapwile kaha Mose umwe. Vakiko vatachikijile kaha nge apwile Kalunga. Vakiko vachimwene nge apwile Kalunga.

Kaha vakiko vakavangijile kaha nakupwa kanawa palanga vakiko vaputukile kuhula chize, vatondele kukatula muthu umwe weka alinge chuma chochimwe, Korah, Dathan. Kaha vakiko vapwile na muthu umwe anehe kufwanyisa cha chisemwa, makumishilo Kalunga ngwenyi, “Lihandunune ove lyavene. Kanda kwingila muze mujijila ja vikungulwilo. Talenu, fuma muli chize! Nguli nakuya nakumina chize.” Kaha Ikiye asokolwele mavu nakumina chize. Talenu?

¹¹¹ Enu munahono kutachikiza, munahono kutachikiza zachiso yalikina. Munatachikiza kaha chinyingi chacho, chize chuma cheji kuhwimisanga, chikiko chinalingisa kupwa cha muchano, kaha talenu kachi cheji kuvetanga hachuma chivene hali chize kushika cha mu Mbimbiliya nachisoloka lelo. Talenu, linapu Lizu cheka, kukinduluka ku Lizu.

¹¹² Jino, lize likina lyalinene lili nakulilongesa jino, kaha lili lyalizanga lyehi kutambuka. Eli likina lili lyehi hano. Vakiko vakwechi lyehi na zachiso yalikina ya chikungulwilo linakuya nakuneha, hano hamavu, “kuunda,” vakiko ngwavo. Vakiko vakwechi . . . nge va U.N.

Awa mafuchi vanalinungu hamwe. Luli lwola lwakulinunga. Ngwanangulanga hali echi, kalinwaha. Echi . . . Vakiko vali nakulinunga hamwe, kuneha chumamuka? Kuunda cha kaye. Vakiko valingile chize mu League of Nations. Vakiko lwola lwosena valingile echi, kaha kachasolokele kuzatako. Kacheshi kuzachiwako. Va U.N. kaveshi chumako shina ndundu yayinene vanafutumwina ize vali nakumbata kuli kala lifuchi na kala

peho yakunangula. Yeji kutotoka na kutotola kala vyuma. Kayeshi kuhasa kuzataka.

Chipwetuhu Kasulu ya Mauka kuzata. Echi chinapu chikungulwilo chakutunga kuli muthu, chakulimbalaka kuzachiso... mokomoko na jizachiso jawo jakulimbalaka na Lizu lya Kalunga, kaha kayeshi kuhasa kuzachiwako. “Va vali navatambuka hamwe ngachilihi kuvangila vakiko vanalivwasana?” Enu kamweshi kuchilingako. Kaha nachipwa ngachilihi na liuka lya Vakakulishitu, kuya nakupwa na . . .

¹¹³ Va—va Chipendekosita, va Assemblies of God, na va—va amanene mauka akwavo ava—a wangana wa Chipendekosita, na vathu va Full Gospel, vakiko navakumisa ngachilihi kutangisa cha evangelical, jize vene jishimbi vakiko vemanaho? Kaha muze vakiko vanakolela, kulovoka muze mu vikungulwilo na kuchipaisa; kaha vakiko vatela kuhonesa kunagula evangelical, numba vatambuke na vathu vanakane jishimbi jamu Mbimbiliya, kaha kuka cha Ukalunga, kaha na Ngolo ja Kalunga, na Yesu Kulishitu. “Va vali navatambuka hamwe ngachilihi kuvangila vanalivwasana?”

¹¹⁴ Mukiko kaha, elu lukiko lwola etu tunahete, kaha eli likiko likina lya linene lize vanawahisa. Jino vakiko vakwechi chinyingi. Chuma kaha vakiko vakwechi nakupwa nacho shina kupwa na Satana muchikiko, na zachiso, cha kushinjika kusonekesa cha uze chisuma. Nge ikiye vanamushinjika, kahajino zachiso nayizata. Chinyingi chili hano. vakiko vachikwechi lyehi.

¹¹⁵ Echa nguhanjike chuamchimwe, nawa; elu lwola lwakulinunga, kumona mauka kulinunga, mafuchi kulinunga. Elu hilwola lwakulinunga lwa Kalunga na Mwenga Wenyi, nawa. Kaha Nanguhanjika echi nakavumbi na kalemesa. Ngwafwelela nge Mwenga wa Kulishitu ali wakusanyikiwa. Ngwafwelela Ikiye ali wakujikila mu Wangana wa Kalunga. Ngwafwelela chinyingi chili hano. Vakiko vali nakuvandamina Zachiso ize nayivambata Nakuvambata nakuvafumisa hamvu, nakuvatwala Muupahu, mu Kuhukula. Ngwafwelela echi na muchima wami wosena. Eyo, mwane. Etu tunahono kutachikiza omwo Ikiye mwaya nakulinga echi, oloze Ikiye mwaya nakuchilinga.

Ikiye Zachiso. Etu tuneza nakupwa kaha va membala va eli likina, lya Mujimba Wenyi, kututunga etu vavene na kwiza muchifwanyisa Chenyi, kaha kumumona Ikiye kulinunga Lyavene na etu, mumilimo Lyenyi, na mawana Eyi a zangi, nge omu Eji kuwahananga kuli etu shimbu kanda Wenga waha Chingoloshi. Kaha etu tuli nakuvandamina, kutalilila chize.

Liuka lyavo lyalinene lyatela kulinunga.

¹¹⁶ Eyi Zachiso ya eli Liuka nayiya na kulisa ou Shipilitu Wajila ou tuli nenyi kuzata mwamundende shimbu Lilolwa lya mumutwe kwiza nakulinunga na Mujimba. Oloze nge uze Mutwe

na Mujimba na vilininga hamwe, kuzala cha ngolo ja Shiplitu Wajila nachiya Nakumukatula haze vene nge ngachize; navaze vafwa, vaze vafwile muli Kulishitu, mu myaka handulendi okwo, kusanguka mukuwaha cha kujila Chenyi, na kutuka muutangatanga. Ize Zachiso inapu Shipilitu Wajila.

¹¹⁷ Kaha jino zachiso ya ize ola vakiko vatungile, lize likina lyalinene nayikaya nakuzata likumbi limwe mu kulinunga cha Kasulu ya Mauka ya mu Kaye, nayikaya nakushijika, naw. Anuka- . . . oloze anukenu . . .

Enu ngwenu, “Nge chize nachisoloka . . .” Nachiya nakupwa kukotokela kahajino kuli enu. Enu muli lyehi muli echi. Chipwethuhu mwatondo kupwa, mokomoko nduma, muli lyehi muze. Talenu? Talisenu, enu muli lyehi na eyi shipilitu hali enu.

¹¹⁸ Mu likumbi lize omwo jize—omwo jize—jize jipeho ja Shipilitu na jihuhwa kufuma ku mututuko, kukuto, kumulauko, na kusango, kushijila vathu kulovokamo, na kulwekesa vathu!

Ou uikiko mulonga Ngunapunga wakufumbukila eyi zachiso. Ngunamono nge kwapwile chuma chimwe kuze, milima. Nge omu Ngwamwene vaze mapwevo mujila vakiko vavwalilenga vize kumeso avo, Ngwamilwekanga Chalumingo chinahichi, Ngwatachikijile nge kwapwile chumachimwe chapwilenga nakwiza.

¹¹⁹ Mwomwoika Ngwapwilenga lwola lwosena nakufumbukila chuma kana? Ngunahono kutachikiza chuma kana; Ngunachitachikiza jino. Mwomwoika Ngwapwilenga lwola lwosena nakufumbukila kulifukula cha kulivwasana? Chili mwomwo (Ngwachimono echi jino) lunapu lusona lwa chisuma. Talenu? Kanda lyehi nguhanjike echi palanga kuvangila milungu inahichi ngana. Talenu?

Jino, hanyima ya milingu ya liuka, kahajino chasolokele ngachilili? Hanyima ya eli Lizu vanalinjikiza lyehi? Jino, tala, chahetele kuchihela chapwilenga kwakuhwimina. Kaha chashishileho jino chapwile . . .

¹²⁰ Nyi va Yuleya chashishileho chika hanyima ya liuka kukana Chize? Liuka kukana eli Lizu kuze. Vakiko kavatondele chuma chekako chakulinga na chize Ko. “Apwilenga Shipilitu wamupi.” Chatachikijile vishinganyeka vyapwilenga mumichima yavo. “Apwilenga chachipi.” Ohonyi, Lyapwilenga Lizu. Milimo ize Ikiye alingilenga, yamujimbwilenga Ikiye, kwinjikiza Ikiye apwilenga Hiya. Vakiko kavatondele chuma chakulinga na Chizeko.

Kahajino, chuma chakushisaho, kwiza chafulumende. Kaha eli likiko liuka lya fulumende, mwomwo mafuchi osena anengilamo. Kwapwilenga lifuchi lya vakakuzeneka kutachikiza kalunga kutwaminyina lifuchi lya vakakulifukula. Jino, echi chili, vyuma vyosena kulifukula, shikaho echi chatela kwiza kukulifukula chakaye.

Mamaah, yami, na kapuputa nahase kumona echi! Kaha kapuputa mwahanjika ngachilihi nge mwamona echi? Nge ikiye mwamona echi, ikiye mwaya nakulovoka muupuputa wenyi.

¹²¹ Tachikizenu jino nge eyi kasulu ya kaye naiza hamwe, “Natuya nakulinga ika nou Yesu vavuluka Kulishitu?” Vakiko punduvene kavechi nachuma chakulingako Nachechi. Shikaho kuli kaha chuma chimwe chakulinga, kahajino, chizevene vakiko valingile, vakiko navaya nakusukika Echi, punduvene, kuchisokelamo Echi. “Kacheshi kupwa chumako cheka. Kacheshi kuhasa kuchitavilako.” Chize kushinjika cha kulifukula cha mafuchi kacheshi kuhasa vakiko kuvecha kulinga chumakanako. Mulimo wamuyachi kana weji kupwanga hano, na vyuma kana nge ngachize, nauya vene nakusokewa. Ove kaweshi kuhasa kulinga chize chakuzeneka kutuma chafuma mu jiheadquarters, uze mutwe wa liuka, talenu, chifwanyisa cha uze chisuma. Mamalelo! Etu tuli hano, mukiko kaha. Etu—etu—etu tunahete.

Kaha vanachinjikiza vene; chakushisaho shina kumusukika Ikiye.

¹²² Chochimwe nge jino, kulingisa vosena kulinunga navakiko, navaya nakusokewa kaha kaveshi kuvetavila kunangulako, mwamono. Echi cheji kusukika, cheka, eli Lizu vanenjikiza kupwa lya lushiko. Kulimika, “Enu kaveshi kumitavila kupwa nalyoko cheka. Kupwa cheka kutangisa chakuka pimbi. Vyauchi vya kulombelela vakakuviza. Nduma, mwane! Enu kamweshi kuhasa kulinga echiko. Nduma, kakweshi nachuma chimweko kusali kana. Nduma, mwane! Enu namuya nakuhita mu Kasulu ya Mauka mokomoko kamweshi kuhasa kupwa neviko.”

¹²³ Jino enu kamweshi kuhasa kumona mwomwoika Nguli wakufumbukila kulifukala cha chikungulwilo, mwomwo elu lunapu lusona lwa chisuma. Loma ikiye mutwe wa echi, uze watete. Echi chili vene chakwoloka. Kaha echi nachilingisa kupwanacho kuvangila kulinunga navana venyi vamaapwevo, chize chinapu chifwanyisa. Uze nevo alingile chumachochimwe. Kuze kwapwilenga Loma kulivanga kulivwasana? Chumamuka chalivangile kuwanyisa kulifukula cha mukaye? Va Katolika yamu Loma. Kala muthu akwechi lizu ahanjike ngwe keshi ngochoko, echa ngwivwenga echi. Echi kacheshi hanoko. Kulivwasana chatete, liuka lyatete valivwasanyine, lyapwile ku Nicaea, ku Loma. Eyo, mwane. Kaha omu mukiko valingile.

¹²⁴ Kaha chuma muka Luther alingile hanyima yakufwa chenyi? Vakiko vakiko valingile chuma chochimwe chize va Nicaea valingile, mu Loma. Vakio valingile ika hanyima ya Wesley? Vakiko kachi vanalingi ika hanyima yakuhita chachinene chinezanga? Vakiko valingile mwomumwe, valingishile vana vamaapwevo kupwa mahule, mukiko vene mwakukupuka. Nge, ha chuma chochimwe, etu tunawane hano nge. . .

¹²⁵ Ngwapwilenga na Chisoneka chachindende chakusoneka hano. Pamo Ngwatela kuchitumbuka. Oloze, tala, vakiko vapwilenga . . .

Vaze vakakulivwasana na liuka vapwilenga na zachiso yoyimwe yakuliwana nge lelo. Chuma kaha vakiko vanatondo shina kuzata chacho, chumachimwe nachilingisa kushinjika chize. Kaha echi chili nakwiza nakusoloka, mwamuze vene.

¹²⁶ Va liuka lya Katolika na mauka ava Kakulikanga nawaya nakupwa masepa. Ngunamilweke nge evi—evi lyehi, mwomwo makumishilo a myaka seti nakuhakilaho. Vakiko navakaya nakulinunga hamwe. Kaha enu muli nakumona vene omwo vakiko vali nakulinga jino. Vaze—vaze Vakulikanga navakaya nakuhona kupwa Katolika ko, oloze vakiko navakaya nakulinunga muundumbu, lusona lwa chisuma, wakufwana nge chisuma.

¹²⁷ Nge mujila yoyimwe nge nevo, Eva, eyekele kaye kosena kukatwala mukufwa mumujimba. Uze nevo, Eva! Ivwulilenu. Nevo Eva kwenyeka chisaka chamuthu chosena, na kufwa chakumujimba, (ngachilihi?) na kukana Lizu na kwitavila chumachimwe kusoloka kupwa Echi. Ikiye alingishile kufwa chakumujimba mwomwo ikiye asele Lizu lya muchano, na kufwelela Lizu lya muchano lyosena oloze chindende kaha. Kukana chimwe chindende na kuzalilila cha Lizu lya Kalunga lyalingishile kuviza chamitwe yosena, kufwa chosena na vyuma vyose vili hano hamavu. Eva achilingile, nevo ya kufwa. Jino enu muli nakumona okwo etu tuli nakwiza? Uze nevo ya kufwa, talisenu, ikiye akakanyine eli Lizu.

Ikiye ngwenyi, “Kalunga nahanjika ngwenyi . . .”

Satana ngwenyi, “Echi chakwoloka.”

“Kalunga nahanjika ngwenyi . . .”

“Echi chakwoloka.”

“Kalunga nahanjika ngwenyi . . .”

“Echi chakwoloka.”

“Kalunga nahanjika ngwenyi . . .”

¹²⁸ “Eyo, echi, echi mukiko vene. Mu—mujila kana, echi chakwoloka, oloze, talenu, chize—chize—chize kachapwile mwosena Muzeko. Talenu, enu namuya—enu namuya nakupwa na meso akusokoloka, enu namuya nakupwa na . . .”

Oloze Kalunga ahanjikile ngwenyi, kaha chize chakumine, eli linapu Lizu! Talenu, lyaputukile nge chindende kukakasana eli Lizu, kaha, chuma chochimwe, chili nakukumisa mujila yoyimwe.

¹²⁹ Talisenu, mwana wapwevo apwa wakufuma kuli naye na ise, ha kulinunga. Jino hano chuma chimwe chili nakukomwesa. Oloze kufwa, chakumujimba, kufwa cha kumujimba chili

chakufuma mu kulinunga cha mama Eva na Satana, hamwe, ha kuzeneka kufwelela Lizu lya Kalunga. Vakiko valinungile na kunehamo ou—ou muhako wa kufwa. Ikiye, chize. . . Kufwa chinapu muhako wakulinunga Satana na Eva, hamwe.

¹³⁰ Eva apwilenga na Lizu. Satana kazangile lize Lizu ko. Kaha, tala, apwile vene na nite naini na nite naini kusala kwakundende kuhandulendi ya Echi, Satana etavilile vyosena kupwa vyakwoloka. “Shikaho hakamwihi,” eyi Mbimbiliya ngwayo, “mu makumbi akumakumishilo, mwakaya nakuhungumwisa navaze va Kusakula kachi nge chahashile.” Talenu omwo echi chili nakwiza nakwingila, nomu chinapunga lwola lwosena, nomu chili nakuya nakulovoka? Ili jila yoyimwe, kulinunga cha kuzeneka kufwelela mukuzalilila cha Lizu lya Kalunga. Enu munachivwishisa? Omu mukiko na kufwa chejilile, mukulinunga cha kuzeneka kufwelela na Lizu. Kuzeneka kufwelela, chindende kaha, cha echi; chindende, kakandende, kakapululu, kakukwanyisa mu handulendi paseti. Oloze Lyatela kupwa wani handulendi paseti! Mukiko kaha.

¹³¹ Talisenu, vana vamapwevo va Kalunga, eli Liuka, ou Mwenga, napu naikiye muhako, wa Kalunga na Lizu Lyenyi, kulinunga. Ou Shipilitu Wajila kulinunga mu mujimba wa nyama, Chanehele Mwana walunga wa Kalunga, muhako wa kwoloka cha Kalunga. Kaha mu likumbi lya makumishilo, nge omu vatulwekele, “nge omu chapwile mumakumbi a Satome,” Mwenga mwakaya nakulinunga na Lizu lya Kalunga na kulisolola muuthu, ou Shipilitu Wajila kuvajikila muli Kalunga, na kujika kuzeneka kufwelela kuweluka, kusali.

¹³² Nge omu Ngwahanjikanga, kachi chiyoyelo cha Beethoven chapwile muli ove, ove muyoya nge Beethoven; kachi chiyoyelo cha Hitler chapwile muli ove, ove muya nakuyoya nge Hitler. Kaha omwo Kuyoya cha Kulishitu chili muli ove, ove muya nakuyoya nge Kulishitu, kaha milimo ya Kulishitu ikiko ove mulinga. Kaha nachiya nakupwa. Kachi Kulishitu ayoyanga na lelo, Ikiye kachi ali nakulinga omwo Lizu lya hanjika Ikiye mwaya nakulinga lelo. Kaha eli Lizu lyahanjika echi, “Ikiye apwa youmwe zau, lelo, nahaya myaka.” Mwomwoika ava vakakusoneka vatupuputa va mukaye kumona lwola vakiko vali nakuyoyela? Talenu?

¹³³ Eva alingishile kufwa cha kumujimba, ha kweseka kwingisamo uleya umwe wa Satana mukachi ka Lizu. Kaha echi chikiko chuma chochimwe cha solokele na liuka, ku Nicaea, mu Loma, ha kumbata jishimbi kachi Lizu. Echi chinapu chuma chochimwe na mu Mesondisiti, Mbaputishiti, Pulishiteliyani, nge Kumunyika kulovoka mukala chisemunuino kaha vakiko Vachikanyinene.

Ou ukiko mulonga va Lutaleni vafwile omwo Weseley akatukile. Chize chapwile mu chisemunuino chikwavo. Eli Lizu

lyejile, kaha vakiko vatelele Kulitavila mokomoko kufwa. Ou ukiko mulonga uze va Pendekosita vali nakufwa jino, mwomwo chisemunuino chili hano. Eli Lizu vanalisolola, lwola lwa kwaze, lwola lwa eli Lizu kukinduluka, “na kutungulula Lufwelelo lwa masevo, kukinduluka kuli vana cheka.” Kaha vakiko vali vakulinunga, vakiko Valikanyine, kaha vakiko kaveshi chumako oloze kufwa cha mushipilitu. Ha lwola lwosena . . .

¹³⁴ Mujimba wa Kalunga, wanungile Mwenga Wenyi, kupwa Umwe; Ikiye na Kulishitu, hamwe, ili Shipilitu kuzata mumujimba wanyama mu Liuka nge omu Azachilenga mumujimba wanyama muli Yesu Kulishitu, mwomwo Unapu chihanda cha Mujimba Wenyi. Keshi vapasako; oloze Umwe! Vakiko vapwilenga Umwe. Nge lunga na pwevo kaveshi cheka vavaliko, oloze umwe. Kaha Kulishitu na Mujimba Wenyi unapu Umwe. Kaha youmwe Shipilitu apwilenga muli Kulishitu ikiye ali muli Mwenga Wenyi, mu Mujimba Wenyi, yeji kuvanungisanga Vakiko kupwa hamwe na Lizu lyosena. Kaha Kalunga kuyoyela muze, Lyavene, kulisolola.

¹³⁵ Kaha uze mukakole wa kulishitu, ali nge kuahanjika, “Mamalelo, Ngwafwelela muli Kulishitu, Ngwafwelela mu Mujimbu wamwaza, Ngwafwelela mu vyuma Kana, oloze, munatachikiza. . .” Mukiko kaha. “Oloze, munatachikiza, makumbi avikomwesa anahichi lyehi. Kakweshi chuma nge changachizeko, talenu.” Mukiko kaha. “Mamalelo, Kangwafwelela nge enu mwatela kumijimika mu Lijina lya Yesu Kulishitu.”

¹³⁶ Oloze eyi Mbimbiliya ngwayo enu mwatela. Jino Ngwatondovamwe vakakutunga vyakunyima nakukana chize. Talenu? Talenu? Echi chatela kupwa. Enu ngwenu, “Chamwaza, lujimiko kalwaneha chihandwako.” Chamwaza, kaahajino, mwomwoika vachisonekele? Mwomwoika lwanehele chihandwa kuli Paulu? Mwomwoika lwanehele chihandwa kuli vosena? Ove naupwa wakujimika mokomoko . . .

Eyi Mbimbiliya ngwayo, “Ove uli nalijina nge wayoya, kaha ove wapwa wakufwa,” mwomwo kakweshi lijina lyekako vanahane mwishi ya Melu.

Mwomwoika nauyila nakunagula Echi, kulombela Chize, kala vyuma vyosena, oloze, omwo enu namwiza kuchijiva, ove kana Echi? Huu-hu. Talenu?

Ngwambile kuli uze lunga likumbi likwavo, Ngwambile ngwami, “Ngachilihi nge muthu. . .”

Ikiye ngwenyi, “Kachaheha chihandwako.”

¹³⁷ Ngwambile ngwami, “Kachi muthu mweza kuli ove, kahajino ngwenyi ikiye vamujimikile mu lijina lya ‘Losa ya shitone, Liya ya Chinema, kaha uze Litota lya Chimene,’ ove muya nakuhanjika nge ikiye ali wakwoloka?”

Ikiye ngwenyi, “Nduma, mwane.”

Ngwambile ngwami, “Ove muya nakumujimika cheka?”

“Eyo.”

Ngwahanjikile, “Muya nakumujimika ngachilihi?”

Ngwenyi, “Mu lijina ‘Iya Tata, Mwana, na Shipilitu Wajila.’”

¹³⁸ Ngwambile ngwami, “Chosena chakwoloka, jinoove walingile vene mwakwoloka, ove wahakile...Kachi ove musanyika awa ‘majina,’ ove walingile chuma chochimwe ikiye alingile omwo ikiye ahanjikile, ‘Loza ya Shitone, Liya ya Chinema, kaha Litota Iya Chimene,’ mwomwo ize yinapu mitwe, kaha ‘Tata, Mwana, na Shipilitu Wajila’ inapu mutwe. Talenu?”

Ikiye ngwenyi, “Oloze Yesu ahanjikile nge kajimikenu ‘mu Lijina.’”

¹³⁹ Ngwambile ngwami, “Omu mukiko vene Ahanjikile. Oloze muchuma muka, keshi—keshi...Ikiye kahanjikile, ‘kuvuluka awa mazu.’ ‘Kavajimikenu mu Lijina,’ Lijina! Mamaah, yami!” Ngwambile ngwami, “‘Tata, Mwana, na Shipilitu Wajila’ yinapu mitwe. ‘Lize Lijina Iya Tata, Mwana...Eli Lijina Iya Tata, Mwana, na Shipilitu Wajila.’ Talenu?” Ngwambile ngwami, “Chuma muka ahanjikile Petulu ngwenyi Chipwenga ngachilihi? Ngachili vosena vahanjikile chipwenga Ngachilihi? Talenu? Chuma muka Echi? Huu-hu. Ou ‘Mwata Yesu Kulishitu’ likiko Lijina Iya ‘Tata, Mwana, na Shipilitu Wajila.’” Ikiye apwilenga navenyembo pamo seti sauzande ikiye ayile na kujimika cheka jino. Talenu? Chosena chakwoloka. Oloze echi chakwoloka. Paulu ngwenyi, “Kachi Kangelo wakufuma Mwilu...”

¹⁴⁰ Paulu alwekele vaze vathu vaze vakuhona kujimika mu Lijina Iya Yesu Kulishitu, Vilinga 19:5, nge, mangana vatambule Shipilitu Wajila, vakiko vatelele kwiza. Chipwethuhu vakiko vapwilenga nakutambakana na kwalisa Kalunga, kaha nakulinga vyuma vyavinene, ikiye ngwenyi vakiko vatela kwiza cheka na kupwa va kujimika, cheka, mu Lijina Iya Yesu Kulishitu. Hanyima ya Yowano mukakujimika uze avajimikilenga, vatelele kwiza na ku vakujimika cheka.

Kaha ikiye ngwenyi, mu Ngalesha 1:8, “Kachi Kangelo kufuma Mwilu mwatangisa kala chuma kuhambakana evi Ngunamitangisa, echa ikiye apwenga wakwangula.” Eyo, mwane. Shikaho etu twatela kutwama mwakwoloka na eli Lizu, kala Lizu Iya Echi. Talenu?

¹⁴¹ Tachikizenu. Mamalelo, kamweshi na vyalako; pwenu kaha vakukunyuka. Kachi kuli kala kukakasana muvishinganyeka vyovo, enu mwatela kwalola chize jino. Kanda kuvandamina palanga jino, echi chili chakukotokela. Kanda kuvandaminako palanga nomu nautambula lusona nakwingila swii nauhaka hona cheka kumona Echi ko, ove muya nakupwa kapuputa.

Ikiye avelavishile va Isalele, mangana Ikiye ahase kusolokela mu Lizu Lyenyi. Ikiye ali nakulinga chuma chochimwe kuli Vakamafuchi, 'mwomwo hano—hano vakiko kutambuka muze vene nge muze vakiko valingile.

¹⁴² Tachikizenu, Eva akanyine na kuhana lusesa lwenyi. Hanyima ya ikiye kumona lize Lizu kwinjijikiwa kuli Kalunga, chuma Ikiye nalingi, ikiye Ali kanyine na kuhana lusesa lwenyi. Chuma chochimwe vakikovalingile ku Nicaea mu Loma. Kaha chumachochimwe vakiko vakiko vali nakulinga ku Kasulu ya Mauka, mukiko kaha. Vandumbwami, kuli kaha, kufuma Kukuputuka na ku Kusoloka, chuma chochimwe. Omu mukiko Isalele alingile. Mukiko alingile Pilatu. Mukiko chuma chosena chinalingi, lwolalwosena, kufuma kuli Eva palanga nakulelo, chuma chochimwe. Vakiko kukana Lizu lya kwinjijikiwa na kumbata kunangula chauthu, muchihela chachize. Chize chanehele kufwa, kufwa cha kushipilitu.

Kufwa! Eli Lizu hanga valinangula nakuli vafu. Mukiko vene! Kaveshi kuhita Mumilele, jino, talenu. Vakiko vali—vakiko vali, vakunangula lyehi. Pamo kupwa na Echi hano vene. Talenu?

¹⁴³ Vana va Kena, vaze vapwile muhako wa kuzeneka kufwelela eli Lizu lya Kalunga, Vana va kena vasehele mujimbu wa kapolofweto Nowa. Munatachikiza chize? Na Lizu lya Kalunga ikiye anehele echi—echi kupolofweta kusopesa, kaha akwechi vinjikizo, vinjikizo vya kwinjikiza nge lwola luli kumakumishilo, kaha vana va Kena vasehele Chize.

Shikaho mukiko alinakulinga jino. Shikaho, echi, vakiko mukiko valingile na mulikumbi lya Yesu. Shikaho vakiko valingile vyosena nakuhita muvisemunuino vyosena. Echi chinapunga. Vakiko vasehele na kusekeleka Echi. Ikiye ngwenyi, "Mumakumbi akumakumishilo nakukapwa vakakuseha, kuhanjika ngwavo, 'Kakweshi numba chihandwa muluno lwolako, kufuma haze vakakuluka jawo kupwa mutulo.'" Talenu?

¹⁴⁴ Shikaho mukiko valingile na vana va liyovolo, kuhichila mu zachiso ya kulifukula, ha Lizu vava solola mulwola lwa Yesu Kulishitu. Tala, zachiso ya kulifukula ya vathu va Yuleya, (Ndumbu wapwevo Rose), vathu va Yuleya vatelele kutachikiza kanawa, oloze zachiso jawo javalingishile vakiko kukana na kutoloka lize Lizu lya Kalunga (ohonyi vakiko kulivuluka nge vakiko vakakufwelela) kusolola, keshi Lizu limwe kufuma muli ize jila. Vakiko valingile chuma chochimwe.

¹⁴⁵ Chochimwe nge omu vanakulinga lelo. Eji zachiso ja kulifukula muli eli likina lyalinene vakiko vatela kulilongesa jino naliya, mukiko vene, vanakane jishiko ja kumakumbi amakumishilo; na Mujimbu wa mulwola lwakumakumishilo, na chinjikizo cha kulwola lwakumakumishilo, lwola

Iwakumakumishilo na vyuma vyosena omu mukiko chatela kupwa, nge Kalunga omu ahanjikile, Lizu ha Lizu.

Echi chili ha tepu. Kachi—kachi vakiko navangwasa, mokomoko kala mwosena omwo vanahase kulinga, vakiko kaveshi kuhasa kwimika ou Mujimbu! Talenu? Echi nachiya lika mwomumwe. Talenu? Echi chinalovoka lyehi. Echi chili ha tepu. Echi chinayi. Talenu? Vakiko kavahashile. . . Eli lili—Eli lili Lizu lya kumakumishilo, hano vene jino. Ha- . . . Mwosena kanawa kwinjikiza na kwinjikiza, cheka na cheka na cheka, na vinjikizo, vihayamisa, ha chinyingi, na—na—na Zachiso, ha—ha sayasi, kuhichila mu liuka, kuli Kalunga Lyavene, chinenjikiza nge hi lwola; vyosena vivali na Lizu, na vinjikizo na vihayamisa.

¹⁴⁶ Ou Mujimbu enjikijile Kalunga mukachi kenu, na vinjikizo na vihayamisa vyaino ola. Ou Mujimbu wa Yesu Kulishitu nge kafwileko, oloze kuyoya mwomumwe nge omu Ikiye apwilenga, kaha ali nakutuma. Kaha echi chili vene kuzalishiwa Malaki 4 na vyosena Visoneka vikwavo Yesu ahanjikile mwaya nakupwako mumakumbi amakumishilo, echi chinazalishiwa, mwosena namu sayasi, na mukaye. Kaha mangajinyi azalile na vifwanyisa vyavinene vya Kumunyika, vize vavulukile kupwa kuno. Va Ngelo ja Kalunga, vatela kwiza, nge vakiko vatachikijile nachuma chimwe hali echi. Kaha kwosena, kwosena, echi vanachinjikiza, kukaye kwosena!

¹⁴⁷ Chakushisaho, kaha etu tuli nakuliwana nechi. Nge omu Yesu ahanjikile, “Chuma muka Nanguya nakuhanjika, ‘Ngulwile Yami, Tata, kufuma muli ino ola’? Oloze, nduma. Mwaya muchima wove mulingike, talenu, hano ha mavu, nge omu mulinakulinga Mwilu.”

¹⁴⁸ Omu mukiko Liuka lili nakuhanjika, lelo, kufuma mumuchima, “Yami kulinunga na chuma chimwe. . . ? Nduma, Mwata, nduma. Mwaya muchima wove mulingike, nge omu chili Mwilu.”

¹⁴⁹ Tachikizenu, hanyima ya lushiko lya Lizu lya chino chisemunuino chize venjikijile, vakiko vakanyine Chize. Vakiko valingile chuma chochimwe na lelo. Kaha jino Nguli nakwiza nakusoka jino. Kaha nge Ikiye ejile kahajino chinasoloka hatoma kulisolola Lyavene kupwa Lizu, kaha echi chejile nakusoloka kulihl vatela kusakula Lizu mokomoko mabata zachiso; echi kachejile mwomumwe na lelo, vatela kusakula eli Lizu mokomoko kumbata eyi zachiso. Kaha vakiko vanambate eyi zachiso. Jino chuma muka cheji kulinganga? Mu kusoka. Ikiye ali kumavoko akano kaye. Chakwoloka.

¹⁵⁰ Jino, kutanga chami. Echi chinapu kwakusuku nakutunga, oloze jino Ngwaputukanga, munamono. Kanda kukatuka, Ngwapwanga kaha nakutoleka. Tala, hano hakiko hali kutanga chami. Etu tunatachikiza echi. Echi chili nakwala chikuku. Etu tuchikwechi echi vene mumutelezeji hano jino. Echa tuchitulike

hembo na kumona chakusoloka ngachilihi, kumuhaka mwishi ya janena.

¹⁵¹ Yesu ali kumavoko avathu. Ali kumavoko a liuka. Nauya nakulinga ika na Yesu uze vanavuluka Lizu lya kuwavisa? Eli lijina lya *Kulishitu* kulumbununa “Lizu lya kuwavisa.” Talenu?

“Nauya nakulinga ika na ou Yesu?” Pilatu ngwenyi. “Nanguya nakulinga Muka na Echi? Chumamuka, pungu yami muka? Nyi Ngulinge muka na ou Yesu ou vavuluka *Kulishitu*?”

¹⁵² Nyi kaye kali nakuvuluka chuma muka? Nyi liuka vali nakuchivuluka muka? “Kusukika Echi! Imika Echi! Etu katweshi nakutonda Echi cheka.”

¹⁵³ Kuya nakuhula chumachimwe. Munahase kwivwa kupaishiwa kumavoko a Oswald, chimene chino, uze ajihile uze Kolokoko? Munahase kushinganyeka kusopesa chenye mwaya kachi ikiye kwinjikiza nge uze umwe alingile? Munahase—munahase kushinganyeka kala keke vaselele hali ikiye? Aze manyinga auze Kolokoko wa United States ali kumavoko avo. Munahase kushinganyeka va Federal Court . . . Chipwethuhu alambililile, “Kangwatondanga kulinga chumakana,” kavamwitavilile chipwe chindende. Ikiye mwaya nakunonga. Mwomwoika? Ikiye akwechi manyinga auze Kolokoko kumavoko avo. Munahase kushinganyeka kwivwa ewwile? Munatondo kumavoko enu? [Chikungulwilo ngwacho, “Nduma.”—Muka.]

¹⁵⁴ Chamwaza, ngachilihi Manyinga a Yesu *Kulishitu* jino? Mwashinganyeka nge vamikonekele, hanyima ya Echi kwinjikiza kanawa? Namuya ngachilihi nakuchina Echi? Manyinga Eyi kumavoko enu, kupaisa! Mukashili, muli nakuya kulihiki kufuma hano? Nauya nakuya kulihiki hanyima ya kuliwana chino chimene?

¹⁵⁵ Munashinganyeka, enu ngwenu, “Chamwaza, Ngunashinganyeka . . . Kangwatwalile kupwa wamupi.” Oswald nahase kuhanjika chuma chochimwe.

Kachi kuyula cha Supreme Court navaya nakusanyika chiyulo, navaya nakusanyika echi. Echi—echi chinapu chetu . . . Echi chili vene cha lifuchi. Lifuchi lyosena lili lya kukashiwa ku Supreme Court, kaha kakwechi chumachimwe vasele. Ikiye nalingi mulonga. Ikiye atela kufweta hali echi. Chipwethuhu mwosemu katwalileko, kujina chenye chapwile ngachilihi, mokomoko hali chize; ikiye mwaya nakufweta chize, mukala jila.

Kachi nge Supreme Court na kuyula chacho kutondeka kushishisamo fweto, namuliwana enu vavene ngachilihi kumeso a Muchaka wa Kusopesa wa Kalunga, omwo ove mukeza na Manyinga a Yesu *Kulishitu* kumavoko enu? “Chuma muka Nanguya nakulinga na ou Yesu vavuluka nge Lizu lya

kuwavisa?” Enu mwevwa Echi. Munatachikiza Echi kupwa Muchano. Echi vanachinjikiza kanawa.

¹⁵⁶ Chihwanga? Enu munasake chihwanga cha chikungulwilo wa Lizu, kuhambakana wakulimanyina Kulishitu? Munahase kusukika? Munahase—munahase kuzanga kwitavila Mbalapa? Munahase kusanyika Mbalapa? Muthu wosena mwalinga ngachilihi chamuyachi ngachize, kusanyika Mbalapa, uze chihwanga wa Lizu; kuhambakana kwitavila Lizu, Livene, chinapu Chiyoyelo. Kaha Echi chili kamavoko enu.

¹⁵⁷ Omwo Ngwevwile uze chihwanga cha Kolokoko Kennedy, ou Mujimbu waholokele mumuchima. Ngwashingtonyekele, uze muthu mwaya nakulinga muka? Kaha kakweshi numba jilako jino. Ikiye nahase kuhinduka lwola kana na kutachikiza ika ili kulutwe.

¹⁵⁸ Kaha enu muli nakuya kutona lwolalumwe. Hano, mokomoko ha tepu, kala kwosena okwo muli, enu muli nakuya nakutona lwolalumwe, mukashili, kaha namukatachikiza nge kuli Manyinga kumavoko enu, kaha Manyinga a Mwana Kalunga, kaha muli na mulonga wakumujiha Ikiye. Shili jenu jamujihile Ikiye. Kuzeneka kufwelela chenu mu Lizu Lyenyi, kuhona chenu kumona katachikijilo Kenyi, kunyengetesa Shipilitu Wajila. Kaha chuma muka muya nakulinga shina kwimana Kuchisopeselo cha Kalunga, kutachikiza chumamuka nachiya nakusoloka kuli enu! Eyo, manyinga a John Kennedy kumavoko a Oswald mwaya nakupwa chuma chachindende, kuhambakana kuManyinga a Yesu Kulishitu kumavoko enu omu namukemana kumeso a Kalunga.

¹⁵⁹ “Nanguya nakulinga Muka na ou Yesu ou vavuluka Kulishitu?” Pilatu ngwenyi. Ikiye vanamuhake kumvoko eyi.

Kaha Manyinga a Yesu Kulishitu vanawahake cheka kumavoko aechi chikungulwilo. Vanawahake kumavoko ali lifuchi, na mukaye kwosena, kuze awa matepu anyi, na vyuma vananjikiza na kwinjikiza cha Kalunga.

Jino etu natuya nakulinga ika na ou Yesu vavuluka, “Yumwe zau, lelo, na haya myaka”? Ngulinge muka na ou Yesu? Muli vakulizanga kumbata chihela kusali Yenyi?

¹⁶⁰ Pilatu, kaha ha chuma chochimwe Pilatu alingile, kwasale vyuma vitatu munahase kulinga na Ikiye. Pilatu kweseka esekele vyosena vitatu, kaha ikiye eyekele. Vyuma vitatu vize unahase kweseka kuzata, oloze kachazachileko. Pilatu esekele Kumufumisa kumavoko enyi. Oloze nge ali lyehi kumavoko ove, Ali kumavoko avo. Pilatu esekele kapapa katatu mujijila jakuhandunuka ahonene.

¹⁶¹ Etu twatela kuhumanga muchano waechi Ikiye ali kumavoko etu. Etu twamumono Ikiye mu Lizu Lyenyi. Etu twamumono Ikiye kulinjikiza Lyavene. Etu tunatachikiza nge Ikiye apwa youmwe zau, lelo, nahaya myaka. Echi chakwoloka?

Kahajino, Kangweshi kaha nakuhanjika kuchino chikungulwiloko hano chimene chino, mwomwo Nguli kaha nakuhanjika kuli sikisi, seveni handulendi vathu, pamo, oloze Nguli nakuhanjika ku miliyoni mu jitepu jili nakuya kukaye kwosena. Talenu? Ikiye ali kumavoko enu, mu muma fuchi muli jitepu, kala kwosena okwo muli. Munatachikiza Ou unapu Muchano. Kachi enu kamweshi kuhasako, kaha enu muli tupuputa; enu kamweshi kuhasa kumona eli Lizu ko, chipwe enu kumona Kalunga mu Lizu. Kaha Ikiye ali kumavoko enu. Jino chuma muka enu muli nakulinga na Ikiye?

¹⁶² Pilatu esekele kumufumisa Ikiye, oloze etu tuli nakumona muchano. Pilatu alimwene Nachize. Ikiye atachikijile. Ikiye evwileko.

Chamwaza, enu ngwenu, “Kanda lyehi ngumone chamuyachi ngana.” Enu mwachivwa lyehi Echi, mwosena omwo. Enu muli na kwivwa Echi jino. Talenu?

Ikiye atondele Yesu kulinga chikomwesa, mokomoko kumulingila kaheka, ikiye. Oloze Ikiye kapwile nakuhema tuhekako; Ikiye apwilenga kaha na kulinga mwosena muze Kalunga Ikiye amulwekele kulinga.

¹⁶³ Enu mwevwile. “Lufwelelo lweji kwiza ha kwivwulila.” Ove uli nalufwelelo, na kufumako, nakufumisa echi kumavoko enu. Oloze ikiye atelele kuliwana na muchano, mwosena omwo. Ikiye alingile, kaha mukiko tuli na etu kuliwana na muchano. Ikiye ali vene wakwinjikijiwa. Shinganyeka, na Manyina a Muthu kumavoko ove!

¹⁶⁴ Mauthu atela kutala omwo ikiye ali na manyinga amuthu mukwavo kumavoko eyi. Tala hali eyi ndeke. Mukakutambukisa ndeke kulovoka mu ndeke, omwo ikiye mwendesa ndeke, ikiye mwatalatala vinuma vyosena. Mwomwoika? Ikiye akwechi manyinga a muthuumwe kumavoko eyi. Kala chinuma chachindende vatela kuchitala kanawa, ikiye mwachitala. Nge ikiye mwaya nakwendesa ndeke nakujinguluka, ikiye—ikiye—ikiye kuhitamo kanawa mu—mu—mu minyawu, uze muchima wa likina, kaha kumona nge umazumu. Kaha kumbila throttle kufuma kuli chosena hali chize, kumona chize kufuma—kufuma . . . kachi nachihasa ku—ku—kuya, mokomoko kumbila lize livava, nawa, na peho yakutamo numba yituke.

Ove watela kwimana, enu vavavulu, muze mu ndeke, mokomoko kutwama, kaha ndeke yosena kunganjanga hamavu hosena, yosena. Ikiye ali nakuhana chumachosena, kumona kachi kuliko chuma chinafumu mujila. Kachi chinalingika, nakupwa kufwiza na kuswama. Oloze ikiye mwatala cheka, kachi ikiye atele palanga nomu ikiye mwatalako cheka. Kaha kachi vakiko kawata lwola lwenyi chindende, ikiye eji kutala kanawa cheka.

¹⁶⁵ Ngachilihi Liuka omu lyatela kupwa kutala tala cheka, na cheka, na cheka, na cheka! Etu tuli nakuvandamina Kwiza Chenyi. Etu tuli nakutambuka, etu tuli nakuvandamina kukatuka. Etu twatela kutala kanawa na Lizu, keshi kala chosena ocho muthu mwahanjikako. Pwako wakukunyuka na kutachikiza, enu lyavene, nge kupwa nakulilongesa na Kulishitu. Tala cheka, na cheka, na cheka.

Mwomwoika? Ikiye akwechi manyinga amuthu kumavoko enyi. Ikiye atela kutalatala.

¹⁶⁶ Nyi ngachilihi ndotolo, muze mwakupulila? Etu tukwechi va ndotolo vavavulu vana twame hano chimene chino. Tachikizenu, uze ndotolo, chuma mwaya nakulinga shimbu kanda kupula. Ikiye mwatonda x-ray. Ikiye mwatondonda kupima manyinga. Ikiye mwatonda kupima muchima. Ikiye mwatonda kumona kachi nge ove ukwechi mashika, shimbu kanda ikiye kukuhana vyakukusavalika. Ikiye mwatala kanawa kala chinuma; kuviteleka, kanawa, kumona nge kakwechi numba tututuko. Ikiye mwalinga mwosena. Ikiye mwatala kanawa kanawa, kaha na cheka, na cheka, cheka. Mwomwoika? Ikiye akwechi manyinga amuthu kumavoko enyi. Ikiye mwatonda kupwa wakukunyuka nge vyuma vyosena vili kanawa mwakusungama nge omu chatela kusungama.

¹⁶⁷ Ngachilihi ove? Ngachilihi ove, mukashili, Weji kwivwanga ngachilihi hali echi?

Kupwa na manyinga amuthu kumavoko ove, kupwa na lisesa nge nge mukakutambukisa ndeke, kaha ikiye kutala kanawa; uze ndotolo, kaha ikiye mwatala kanawa; kaha chumamuka cheka, jijila jajipi ja sayasi; nge ove mupwa na manyinga a muthu kumanyinga ove, nauya nakulinga ika!

Nge chambamilonga mwaya nakumupingwila muthu mulonga, tala omu ikiye mwatanga ize mikanda, cheka na cheka na cheka na cheka na cheka, na kukachuma kakandende kaze ikiye nahase kumona, shimbu kanda kumupingwila mulonga. Mwomwo, ikiye akwechi manyinga amuthu kumavoko enyi, kwatela kupwa chumachimwe haze kumuvulukila kwoloka halichize. Talenu?

¹⁶⁸ Ngachilihi etu, omwo etu natumona Echi chakwinjikiza kanawa, nge, “Ikiye youmwe zau, lelo, nahaya myaka?” Ikiye ali hano. Ikiye ali kumavoko enu. Ikiye ali kumavoko enu. Ikiye ali kumavoko enu! Chuma muka namuya nakulinga na Ikiye? “Chuma muka Nanguya na kulinga naou Yesu ou Kulishitu wa kuwavisa?”

“Chuma muka Echi chili nakulinga? Nge omu munatachikiza Echi kupwa Ikiye?”

Lushiko lwalelo, likumbi eli tuli nakuyoyelamo, muli chikuma kuhanjika cha Chisoneka, ma inches amavulu a Echi atela kupwa akuzalishiwa, awa ma inches akumakumishilo

alino likumbi. Kuli vyuma vyimwe vinatwame *hano* vyatelanga kusoloka, kaha echi chili hano. Chuma muka echi? Youmwe Kulishitu wakuwavisa, Lizu lya kuwavisa! Naukaya nakulinga ika Nechi? Naukaya nakulanjisa Echi ku chikungulwilo?

¹⁶⁹ Jino Pilatu alingile ngachilihi? Pilatu esekele kumusana Ikiye kumavoko eyi, na kuhanjika... Chuma chatete Pilatu alingile chapwilenga kweseka kumusanyika Ikiye kumufumisa kumavoko eyi, ha kuhanjika, “Mamalelo, Ikiye ali kanawa. Ikiye ali kanawa.” Talenu?

¹⁷⁰ Enu namuhanjika, “Mamalelo, ou Pilatu.” Pilatu, vavavulu veji kumusambisa? Nduma, nduma, nduma! Ikiye apwile kumavoko eyi. Ikiye ewwile uze Mujimbu, ikiye amwene lize Lizu, kaha Ikiye apwilenga kumavoko eyi. Kaha shikaho mukiko Ali nakumavoko enu. Echi chakwoloka.

Ika ikiye alingile? Ikiye esekele kuhanjika, “Mamalelo, chamwaza, Ikiye ali muthu wamwaza. Ngunahono kuwana katenga muli Ikiye.”

¹⁷¹ Kachi echi kacheshi na—na—na kukumbulula kuli vavavulu lelo! “Mamalelo, kakweshi chuma chakuhengako na eli Lizu. Ngunashinganyeka echi chili kanawa. Eyi Mbimbiliya ili yosena yakwoloka, oloze etu twafwelela liuka. Chikungulwilo chetu kachetava na Eviko.” Talenu? Talenu? Kuli muyachi umwe wa vathu vali na kweseka kumusana Ikiye kumavoko avo.

“Ngunahono kuwana katenga mu Lizu. Echi chapwile chakwoloka hali wa positolo mulikumbi lyavo, oloze etu tuli nakuyoyela mulikumbi likwavo. Etu katweshi na kuyoyelo mulikumbi lya vapositoloko, shikaho kangwatela kulinga nge vapositolo ko. Kangwatela kupwa wakujimika mujila nge vakiko ko; Nguli nakuyoyela mulikumbi likwavo. Kangweshi kupwa nachumachimweko chize vakiko vapwilenga nacho; Nguli nakuyoyela mulikumbi likwavo. Ou Shipilitu Wajila vamuhanyine kuli lize lizavu.”

¹⁷² Hepelewu 13:8 Amukindulwisa cheka kumavoko enu. Mwakuchiyina mwauchi! Ikiye ali vene kanawa wakwinjikiza, “Ikiye apwa youmwe zau, lelo, nahaya myaka.” Enu kamweshi nomu mwakuchinyinako. Enu kamweshi kuhasa kumuhichisa Ikiye kuchisemunino chikwavo ko. Hepelewu 13:8 eji kupaisa vishinganyeka vyenu, na kuhaka Ikiye cheka kumavoko enu cheka. Shikaho Yesu ali kumavoko enu, chochimwe nge omu apwile kuli Pilatu.

Tala. Enu ngwenu, “Oloze Ngunahono kutachikiza.” Chamwaza, mwomwoika enu muli nakwivuila echi?

¹⁷³ Pilatu apwile mukakuzeneka kutachikiza kalunga. Pwevo lyenyi apwile wakuzeneka kutachikiza kalunga. Oloze Kalunga, kulingisa kupwa chakwoloka, uze pwevo atumine kaha ahanjikile ngwenyi, “Kanda kulinga chuma chimwe nou Muthu wakwoloka ko.” Ikiye ngwenyi, “Ngwayandanga hali

eli likumbi.” Mwomwo, chapwile chimene, mwahichile kaha ufuku umwe, kaha jiola twende fwo imwe valivulukile kupwa likumbi. “Ngwayandanga na vilota vimwe naufuku, hali uze Muthu wakwoloka. Kanda kupwa nachuma chimwe na Echiko.”

¹⁷⁴ Jino ikiye ngwenyi, “Chamwaza, kahajino, kachi chili ngocho, Nanguya nakumusana Ikiye kumavoko.” Oloze ikiye kalingile ngocho.

Chipwe enu. Nge namwivwa Muchano, enu mwatela kwitavila Echi mokomoko kukana Echi. Kakweshi jila . . . Eyo, mwane, ove watela kulinga chize. Kuhuhumuna cha Mwata!

¹⁷⁵ Va Yuleya vatambakanyine, “Echa Manyinga Eyi apwenga hali etu; mwomwo etu twafwelela tupilishitu jetu, zachiso ya vikungulwilo vyetu, shimbu kanda etu tumufwelela Ikiye.”

Yenu haze vene. Talenu miyachi lelo? Oloze vosena vatela kuliwana na vyuma vya Kalunga. Enu mwatela kulinga chize, mwosena omwo, vakakuzeneka kutachikiza kalunga mokomoko kala mwosena omwo muli. Mukakuzeneka kufwelela, Mesondisiti, Mbaputishiti, Pulishiteliyani, salusalu, vatutu, kuzuma, kaha kala mwosena omwo unahase kupwa, ove watela kulimona meso na meso na vyuma vyovimwe. Chipwethuhu ove watondo, mokomoko keshi ngocho, Echi chili kumavoko ove. Chize chakwoloka.

¹⁷⁶ Kahajino kuli vaze valinakweseka kupwa nge Pilatu jila yimwe yakuchinyina ukalu kana, kumuhichisa Ikiye kuli umwe mukwavo Kesale. Talenu?

Pilatu ngwenyi, “Jino vandamina munyutu kaha. Kangweshi—Kangweshi—Kangweshi na kutonda chuma kana chakulinga na Chize. Kangwa—Kangwa—Kangwa—Kangwa. . . Ikiye ali Muthu wakwoloka. Kangwa—Kangwazangile chakulinga na Ikiye ko. Mamalelo, Ngwa—Ngwafwelela chuma Ngunevwu. Kanda lyehi ngumumone Ikiye kulinga chikomwesa, oloze kuli vinjiho vyavavulu va Ikiye. Ngwa—Ngwa—Ngwafwelela Ikiye kupwa Muthu wakwoloka. Ikiye apwa Muthu wamwaza, talenu, oloze—oloze Kangwa—Kangwazangile kulinga chuma chimwe na Echiko, amilyavene. Kangweshi—Kangweshi—Kangweshi kaha. . . Nanguya kaha nakumusana Ikiye nakumufumisa ku mavoko eyi. Ngunehelenu meya. Enu vosena mumoneko.” Yaah. Oloze Kalunga apwilenga chinjiho, nawa. Ikiye apwilenga kumavoko eyi.

¹⁷⁷ Kaha shikaho Ikiye ali kumavoko enu. Talenu, enu, munatachikiza chuma Nguli nakuhanjikaho. Talenu? Keshi ove kahako, oloze eyi tepu. Ikiye ali kumavoko ove. Chuma muka ove uli nakulinga na Ikiye, ou Yesu vavuluka ngwavo Kulishitu? Kulishitu napu Lizu lya Kuwavisa. Talenu? Naukaya nakulinga ika Nechi? Ou unapu Mujimbu wa ola. Likumbi lili hano, lya kwinjikiza na Mbimbiliya na Kalunga. Naukaya nakulinga ika Nechi? Nauya nakuchina ngachilihi ou ukalu jino? Nauya

nakuyoya nechi ngachilihi? Ikiye ali kumavoko ove! Kaha ukalu wa Oswald naukaya nakupwa umwe waundende, kumbakana wove, chipwe mukakuzata mokomoko kala mwosena omwo wapwa.

¹⁷⁸ Va va Yuleya vapwile tupilishitu, kaha va myata, valongeshi, malunga vakujila; oloze Ikiye apwilenga kumavoko avo mwomumwe. Ikiye apwilenga Lizu, vyuma vya Kalunga vya likumbi lize, kaha vakiko vahonene kumona Chize. Vaze vakusakula vamwene Chize, vakiko vamwe vafwelelele Chize.

¹⁷⁹ Jino vosena vatela kulihumangana na vyuma kana. Mu kala chisemunuino chapwile ngocho, lwola lwosena. Kuhita mu chisemunuino cha Eva na Alama, nakushikumuka swii naku chisemunuino cha Nowa, mbwe na mulwola lwa Ndanyele na Mbetesheza na Nevukataneza, mbwe na mulwola lwa Kulishitu, mbwe na nakuno kulwola kana etu tuli nakuyoyela, echi chinapu mwomumwe, vyuma vya Lizu vineza. Keshi jishimbi jauthuko, mokomoko keshi chikungulwiloko, keshi jishimbi jauthu, oloze, vyuma vya Lizu vinapunga vyakufumbukila vyuma kana. Shikaho, jino, Echi chili kumavoko jino.

¹⁸⁰ Kahajino vaze veji kwesekanga jila ya Pilatu, nakumufumisa Ikiye, ha kumushijikila Ikiye kuli muthu weka. Pilatu ngwenyi, “Jino, munatachikiza chumamuka? Nanguya nakumumbata kaha Ikiye nakumufumisa kumavoko. Nanguya nakumufumisa Ikiye kumavoko na meya eyi. Shikaho nanguya kaha...Ngukwechi kulinga chumachimwe na Ikiye. Shikaho chuma muka Nangulinga? Nanguya nakumutuma Ikiye ku jheadquarters, na mbishopu.” Huu-hu. Yaah.

Muze mukiko vali nakweseka na lelo. Talenu? Vakiko vamutumine Ikiye kuya kuli Kesale. Chize kachamufumishile Ikiye kumavoko a Pilatu, chipwe kufumisa Ikiye kumavoko akala muthu. Chuma muka chalingikile? Cize chamukindulukilile muthu ivene. Kwiza cheka kuli muthu ivene.

¹⁸¹ Enu ngwenu, “Chamwaza, Nanguya, Nanguya nakuchilinga echi. Nanguya nakwitavila Echi kachi chikungulwilo chami vanetavila Echi.”

Chikungulwilo chove chili mu Kasulu ya Mauka, kupaishiwa! Navaya ngachilihi nakwitavila Echi? Echi cheji kukindulukanga cheka, kuli muthu ivene. Keshi omu chikungulwilo chove nachihanjika ika; shina, chumamuka ove muhanjika? Vakiko vanakane Echi; jino naukaya nakulinga ika na Echi? Chikiko chuma chakushisaho. Talenu? Chize kakeshi kuhasa Ikiye kumufumisa kumavoko enuko.

Ikiye ali vene wakwinjikiza. Ikiye ali vene wakulisolola, na Lizu Iya ino ola, lushiko lwa ola. Keshi lushiko lwa ola ya Lutaleni; luze lwapwilenga Kuze, luze lwapwile Lizu mu chisemunuino chakutungulula. Nge, enu vosena mwevwa

Tutachikijilo twa Seveni, omwo vase vakachisemunuino cha kakutungulula chahichile, uze Chisuma na meso nge a muthu (chikungulwilo) chahanyine; oloze chino chinapu cha meso a kwaze, uze Chisuma ali nakuhonesa lelo.

¹⁸² Kaha hiya mwaya nakweseka nakuhanjika nge lize kalyapwilenga Lizu lya Kalunga lya kuhwimina, omwo Ikiye avalwezele Echi hano, kaha nakutuma kuya ku Arizona na kuneha Eli cheka, na sayasi na vyuma vyosena, kaha kwinjikiza Echi shikaho! *Ou* Mukanda uli lyehi wakufukununa, mukiko vene, kuvandamina Katachikijilo ka nambala Seveni kusolola Kwiza cha Kulishitu.

¹⁸³ Chosena chakwoloka, Ikiye ali kumavoko enu. Enu mwatela kulinga chumachimwe na Ikiye. Kanda kumufumisa Ikiyeko. Eyo, mwane. Muli eyi seteko, Nanguya nakuhanjika, “kumuhishisa Ikiye kuli muthu mukwavo cheka.”

“Kachi chikungulwilo nachiya nakwitavila Echi, Ndumbu walunga Branham, Nanguya—Nanguya na kwitavila Echi. Oloze, mwamono, mama yami atwama muli eli liuka.” Ikiye ayoyele muchisemunuino chenye; muze kaweshiko. Chili cha yove jino. Tala muchuma muka ikiye alovokelemo, nakupwa muze ikiye apwile. Ngachili ove? Chosena chakwoloka.

¹⁸⁴ Tala. Enu ngwenu, “Mama yami apwilenga ka Pendekosita. Ikiye alingile *munganji mukananga*. Ikiye alovokele muchikungulwilo.” Oloze Nguli nakuhanjika kuli enu jino. Ngachilihi ove? Talenu?

Muli eyi seteko, etu tunawane vakakutanga vavavulu. Jino, Ngunatachikiza Nguli nakuya nakulemeka kwivwa chenu, oloze Kangweshi nakulinga echiko mukuzanga. Kachi nge mukiko Nguli nakulinga, kahajino Ngwa—Ngwatela kufukama hamavu kukamenga, kwalumuka nakupihilila. Nguli nakuhanjika echi muzangi yaukalunga.

¹⁸⁵ Yesu, omwo Ikiye emanyine haze, kaha va Fwaliseu; vahanjikile, “Enu muli nge senu, liyavolo; milimo yenye ikiko namulinga.” Ohonyi muli nakusanyika kuunda na keke hali vakiko, kukulusu, ize yamusukikile Ikiye. Talenu, Ikiye kaphililileko na vakiko. Ikiye ngwenyi, “Enu chisemunuino cha manoka.” Talenu? Talenu? Vyuma vyosena, Ikiye avishingile mwosena nge muze Ikiye ahashile, talenu, kaha jino avalombelele vakiko haze ha kulusu. Talenu? Echi chapwile Ikiye kutonda kulinga chuma kanako; kachipwilenga ngachizeko, oloze vakiko vamwene kuluwisa vakiko valingile.

¹⁸⁶ Kaha Nguli nakuhanjika chuma chochimwe na lelo, muli eyi seteko ya “kunungulula vuli kuli muthu weka nawa,” mokomoko chumachimwe etu tunahase kuchivuluka muuswalale, “kunungulula ndola kuli muthu weka nawa.” Etu tuli nakweseka kunungulula echi, nge muze valingile va Alama na Eva.

Eva esekele. Alama ngwenyi, “Ou pwevo Ove wanguhanyine,” kaha chize kachapwile kaleyelo kuli ikiyeko. Talenu? Uze pwevo ngwenyi, “Uze linoka anguhungumwisanga. Pwevo . . . Ikiye nalingi usunda na yami. Ikiye naguhungumwisa. Ikiye nalingi *ngana*.” Chize kachahashile kufumisa chizeko, numba mumwe. Vakiko vayile lika kuchisopeselo, mwomumwe. Eyo, mwane. Chosena chakwoloka.

¹⁸⁷ Vakiko kavahashile kuchinungululako, umwe . . . Kavahashile kuhanjika, “Kachi chikungulwilo chami nachiya na kufwelela Echi, Nangu—Nangulinga nayami. Oloze, Ngunapunga muli echi chikungulwilo.” Chize kachapwilenga chuma chimwe chakulinga nachizeko. Va Yuleya vapwilenga nachuma chimwe, chochimwe nayenu nawa.

¹⁸⁸ Kaha, talenu, vavavulu muli echi etu tweji kuwana vathu vakunangula kanwa mu seteko yimwe. Jino ivwulilenu kanawa.

Talenu, chisemwa, echi tweji kuvulukanga ngwetu chisemwa lelo, chikiko Satana anehele kuli Eva, mangana amandende. Ngwenyi, “Meso ove kasokolokeleko, mangana ove uhone kwivwushisa vyosena Evi.” Ikiye atachikijile Lizu, kaha mukiko kaha. Ikiye amwene Kalunga kwinjikiza lize Lizu, kaha mukiko chatelele kupwa. Ikiye apwilenga an kulama ikiye mu Kuyoya cha Hayamyaka, nge ikiye mwatwama na eli Lizu. Nge ikiye mwahokolaeli Lizu, ikiye apwile nalushiko lwa Kalunga nge mwaya na kufwa lize likumbi ikiye mwahokola Echi. Kaha, omwo ikiye ahokwele Chize, ikiye afwile. Echi chakwoloka.

¹⁸⁹ Etu tukwechi Lizu lya kwinjikiza lya Kalunga hano, kwinjikiza, kwinjikijiwa na Shipilitu, nge Ikiye atutambwile etu na kutuhana Lujimiko lwa Shipilitu Wajila. Etu vatujimika mu Lijina lya Yesu Kulishitu. Uze Mujimbu wamwaza woumwe, vinjikizo vyovimwe, vikomwesa vyovimwe, mulimo woumwe, chochimwe na Panda ya mulangi wa Kakahya kusoloka kuli etu, kusolola vinjikizo na vihayamisa. Kakweshi numba kaleyeloko, mweka mwauchi.

Kaha mukiko kaha Mbimbiliya yinahanjika nge nachiya nakusoloka muno mumakumbi akumakumishilo, kaha kuvuluka Malaki 4, “kutungulula Lufwelelo lwa vana kukinduluka kuli masevo cheka.” Kaha hazevene hanyima yachize, vakakuhuka kutambuka . . . mokomoko vaka kwoloka kutambuka hali uze uto wavakakuhuka; kaye kosena vatelele kukocha. Kaha na atoms ali nakunyengela mwilu, mitelembe mwakulamina.

¹⁹⁰ Mwamono omwo va Germany vanalingi haze vene washi washi omu vawananga nge Kolo- . . . uze Kolokoko vanamujih? Vakiko vambilile maswalale javo hamwe washi washi, mwomwo chize chikiko kaha chuma chapwile nakukingava Russia kuhona kuvatuville mitelembe. Kaha vakiko vavetele . . . Kennedy avatuminyine kaha lizu, lize, ha ola vakiko navalinga chize, kaha ikiye mwaya nakuvakomba nakuvafumisa hano hamavu,

kuvafumisa mu Germany. Talenu? Kaha vakiko vashinganyekele nge vakiko navaya nakufungulula, oloze kalwapwile lwola kanako, talenu. Talenu?

¹⁹¹ Etu tunawane wautongwe, mukakunangula wakutanga, mukakwambulula mujimbu wamwaza, kweseka kunungulula Echi kuli mthuumwe weka. Talenu?

Mwomwoika, mwomwoika Pilatu ahanjikile, “Chamwaza, vandamina munyutu kaha, ou Muthu...uze pwevo lyenyi ejile nakumulweka, kaha Ngwevwile maunjiho amavulu a Ove. Munatachikiza, Nguli—Nguli nakufwila. Nguli nge nakuwana. Chuma muka Nangulinga ngupwenga na Kuyoya cha Haya myaka, Mwane? Ove uli kumavoko ami. Chuma muka Nangulinga?” Chamwaza, ikiye ahanjikile—ikiye ahanjikile... Ikiye ngwenyi, “Ove—ove Ove Meshiya? Ove—ove Ove uze—uze Mwangana wa va Yuleya?”

¹⁹² Ikiye ngwenyi, “Omwo vene unambe. Ove unahanjika.”

“Mokomoko, tulweke etu, mwamuchano, ove Ove uze Mwangana wa va Yuleya?”

Ikiye ngwenyi, “Vikiko Ngwasemukilile.”

Ikiye ngwenyi, “Kangwawanyine mulonga muli Ikiye ko.” Huu-hu. “Chamwaza, Nanguya kaha nakumusana Ikiye kumavoko ami.”

¹⁹³ Ikiye amukumbulwile, oloze ikiye kachitambwile Ko. Mwomwoika? Echi nachishikumwisa kulivwimba chenyi. Shikaho ikiye ashinganyekele ikiye mwaya nakutuma kuli mukulwane, kaha kutala ikiye mwaya nakulinga ika Chize. Talenu?

¹⁹⁴ Chuma chochimwe jino, ukalu nawiza cheka. Nauya nakulinga ika na Chize, eli Lizu? Chumamuka muya nakulinga, kuhula mukulwane, mokomoko mbishopu, mokomoko mthuumwe, kachi ove muya nakwalumuna kujina chove cha kujimika, kachi ove muya nakulinga *echi*, mokomoko kulinga *echi*? Enu munamono *shikaho*, kaha, “Punduvane, enu kamweshi ngochoko.” Mwahita vene kuli enu. Kachi enu namulinga, enu namuya nakumihanga. Talenu?

¹⁹⁵ Echi nachiya nakuhilwisa kulivwimba cha vathu. Eyo, vakiko—vakiko kushingayeka...Kaha kasulu ya chikungulwilo kayeshi kuhasa kwimanako...Nge—nge Pilatu kumunungulula Kuli Kesale; vakiko kavahshile kwimna kuli Chizeko. Kesale Echi hakile cheka mulivoko lya Pilatu. Shikaho vakiko kweseka kumunungulula Ikiye ku vize vyavo—ku vyavo mitwe ya chikungulwilo, kaha kachazachiwileko. Uze mungalato kawazachileko, kaha kaweshi kuhasa kuzatako. Kachazachiwile na Pilatu ko; kacheshi kuhasa kuzachiwa na enuko; kacheshi kuzawako na kala muthu weka. Jino, chamuchivali, chuma munahase enu kulinga shina... .

196 Chamuchitatu, kuvangila, kumwitavila Ikiye mokomoko kumukana Ikiye. Enu kamweshi kuhasa kumusana Ikiye kumavoko enu ko. Enu kamweshi kuhasa kumunungulula Ikiye ku jizachiso jekako, mokomoko kuvuma vyaka vikwavoko. Enu mwatela kulihumangana na chechi. Shikaho chumauka namulinga?

Nge Pilatu, kwimana na vyuma vyovimwe, ikiye ngwenyi, “Nguhane meya amwe, Nanguya nakusana Echi kufumisa kumavoko ami, kwinjikiza!” Omwo ikiye akindulukile kunyima, ikiye hanga atela kuhita kuchisopeselo; kamukonekeleleko. Ikiye kweseka kuhanjika, “Chamwaza, Nguli, kachi Kangweshi kuhasa kupwa na Ikiye kumavoko amiko, Nanguya nakumuhaka Ikiye kumavoko Kesale.” Kaha Chize chamukindulukilile, kuli yavene.

197 Echi chili chochimwe na enu, nawa, nge halyove. Nauya uno naku linga muka? Keshi nge omu alingile mama, omu alingile tata, omu eji kulinganga pashita, omu eji kulinganga Ndumbu walunga Branham, kala wosena; Echi chilikumavoko enu! Chumammuka muya nakulinga na Echi, na ou Yesu ou vavuluka ngwavo Kulishitu? Mwomwo, enu mukwechi Manyinga kumavoko enu, kaha Awa anapu Manyinga a Kalunga. Jino ika nauya nakulinga? Kupwa wakupaishiwa na kusukika. Talenu?

198 Enu munahase kumusukika Ikiye, kuvangila jishimbi jauthu mokomoko kala mwosena ove unatondo, mokomoko kuhanjika, “Chamwaza, Naguya kaha nakumunungulula. Kangweshi kuhasa kupwa na chuma chimweko na echi chuma kana mu liuka.” Enu kamwatela kulinga muzeko. Ikiye ali kumavoko enu. Echi chakwoloka. Enu kamweshi kuhasa kulinga echiko. “Nanguya nakuvulyama chuma chosena.” Enu kamweshi kuhasa kulinga echiko. Echi chili kumavoko enu. “Chamwaza, nanguya kaha nakuhanjika, ‘Pashita yami angunangwile echi.’” Echi nachikinduluka cheka, haze vene. Echi chili kuli ove. Munatachikiza. Jino, enu munahase kumwitavila Ikiye mokomoko enu kumukana Ikiye, kala jila enu munatondo kulinga. Chumamuka? Echi chatela kwiza kuli umwe.

199 Jino ika? Nge omu ahanjikile Yesu kuli va Fwaliseu, Ikiye ngwenyi, “Nge omu muli tupuputa vava Fwaliseu,” talenu, Hiya mwaya nakuhanjika mwomumwe na lelo, “enu tupuputa va vavalongeshi ja vakakulifukula, enu munahase kutumbununa lwola lwa communism. Enu muli nakuzungisa chize, kaha tachikizenu nge Kalunga akatwile chuma chochimwe nakumyenyeka.” Talenu, keshi kutachikiza Chisoneka. Talenu? “Enu, enu munahase kutumbununa echi chi communism nge nachiya nakumbata kaye. Enu munahase kumona chize. Enu munahase kutumbununa chize.”

²⁰⁰ Mitwe yetu yosena ili mu communism. “Veta nakufumisa communism!” Nguli nakwivwa echi palanga nomu Nguli nakwivwa kuviza ha kwivulila kuli echi. Nguli nakole na echi, nawa. Punduvene, Nguli nakole na echi. Oloze Nguli nakole chikuma nauze lunga mokomoko uze pwevo uze eji kukananga Yesu Kulishitu, ou Lizu. Mokomoko, chipwethuhu wapwa umukakunangula mokomoko kala mwosena wapwa, enu muli na mukuli kuli Kulishitu kuhambakana communist. Ikiye ali wakuzeneka kutachikiza kaha katachikiza nachuma chimweko hali Echi. Enu mwatelanga kutachikiza. Talenu? Enu munahase kutumbununa lwola lwa communism, oloze enu munahono kutumbununa chinjikizo cha likumbi enu muli nakuyoyelamo.

²⁰¹ Yesu avalwekele va Fwaliseu, ngwenyi, “Enu vakakulyonga!” Ngwenyi, “Enu mweji kulovoka nakuya na kutala muutangatanga, kaha ngwenu likumbi linachilana kaha kunachi, hamene nakukapwa mbundu. Kachi nge muutangatanga mwazwalala,” ngwenu, “enu ngwenu hamaene nalikapwa likumbi lya zwalala.” Ngwenyi, “Enu munahase kutumbununa vinjikizo vya lwola, mokomoko vinjikizo vya muutangatanga na omu nakupwa, oloze vinjikizo vya lwola enu kamwavitachikijileko.” Ikiye Kuze apwilenga, Meshiya, na kuna Echi.

Kaha etu lwola lwosena kuhanjika hali communism na vyuma vya ngachize, oloze, chinjikizo cha lwola, etu twahono Echi. Talenu? Etu tuli nakuhombwanyisa echi, kujima echi. Kulinunga hamwe hano vene mu kuzeneka kufwelela, kaha vakiko kutambula echi, oloze kuhona kwivwushisa na kumona chinjikizo cha lwola luze eyi Mbimbiliya yahanjikile nalukapwa.

Munevushisa Echi? Twatela kusoka, washiwashi jino. Kuli nakuya nakutoka, talenu.

²⁰² Nge omu masevo valingile, mukiko vakiko valingile nawa, chuma chochimwe na lelo. Jino, vanahete ha kusakula. Echi chatela kuhetuwa. Enu mwatela kuheta hali chize, mujila yimwe. Talenu? Kusukika cha Lizu cheka, mokomoko chuma muka muya nakulinga? Kusukika cha Lizu chinahete. Kusukika na kwimika kwinjikiza Lizu, mwomwo—mwomwo ya chikungulwilo, nge Pilatu omu alingile, kweseka kumunungulula kuli weka. Jino enu namuya, nge hakapanji, kuli na eli Lizu lya kuwavisa eli vavuluka kupwa Kulishitu?

Ou youmwe zau, youmwe Kulishitu uze Lizu lya kuwavisa lya mumakumbi a Nowa. Ou youmwe Kulishitu, uze—uze Mutondo uze wapwilenga mu litepa lya Milemba; lize Eva asele, kulya kuze ku Mutondo wa Kuyoya, na kumbata mangana a kumutondo; ikiye, ikiye asele Mutondo wa Kuyoya, kumbata mutondo wa kufwa. Nowa mulwola lwenyi valingile chuma chochimwe. Mu makumbi a tupolofweto, vakiko valingile chuma

chochimwe. Mu makumbi a Kulishitu, vakiko valingile chuma chochimwe.

Kaha hano vakiko na lelo. Mwomwo vosena vahanjikile hali luno lwola, kaha, omwo chize chuma kana chazalishiwe, lwola hi lwola vakiko vambachile milonga ya chikungulwilo, kaha na vyangocho, kaha mangana a kaye keshi Lizu lya kuwavisa lya Kulishitu ko. Chuma muka muya nakulinga, nge hakapanji?

²⁰³ Pilatu kahashile kumufumisa Ikiye kumavoko eyiko. Nguli—Nguli nakusoka, shikaho pwenu vakuhola kulu chindende. Pilatu kahashile kumufumisa Ikiye kumavoko eyiko. Chipwe enu nawa, mujila ize ikiye alingile, kweseka jijila josena. Ikiye kahashile kuchilingako. Munatachikiza omwo chasolokele na Pilatu? Ikiye aluwanganyine muwongo. Echi chapwile navyosena ikiye ahashile kwivwa ha kukusukika. Vyosena vya kwivwa hali echi, kaha ikiye makumishilo azalukile.

²⁰⁴ Kaha vakiko vapwile nge a mujimbu kaha wa mu Norway, mokomoko keshi... Ngukonekelenuko. Kuze ku Switzerland; kuze, Ngunapunga kuze, nge kamishonali. Vakiko vavulukilenga nge masauzande vakungulukilenga kuze, va kufuma ku kaye kwosena, ha Chitanu Chamwaza; haze ha wina wameya haze Pilatu alisukikile. Ikiye makumishilo alimbilile lyavene mukufwa muchijiva chameya. Kaha vakiko vavulukile nge kala Chitanu Chamwaza, ha seli koloko na musana, meya eji kwalumuka wi, eji kukinduka kufuma muze mwasavalile mujimba wa Pilatu. Ikiye akanyine Chize. Kuli lika Manyinga kumavoko enyi. Kaha ikiye akanyine, ikiye kanyine; aze meya.

Enu kamweshi kumusana Ikiye kumavoko enu ko. Kakweshi meya, numba mulola walifulu unahase kukosa Echi. Ikiye ali kumavoko enu. Nauya nakulinga ika na Ikiye?

²⁰⁵ Hano hakiko kaha hali chuma ove watela kulinga. Kachi nge unahono kumusana Ikiye kumavoko; enu kamweshi kumunungulula Ikiye kuchuma chekako; enu kamweshi kaha mumujimwina kumunungulula. Kakweshi jila yekako muno mu kaye. Kuli chuma chimwe ove watela kulinga shina kwitavila Echi, mumuchima wove. Omu mukiko kaha unahashila kumufumisa Ikiye. Mbatenu Ikiye nakumufumisa kumavoko ove na kumuhaka Ikiye mumuchima wove, mokomoko museze Ikiye kumavoko ove na kwimana Kuchisopeselo. Chikiko kaha chuma ove unahase kulinga.

Pilatu makumishilo eyi apwile amapi.

²⁰⁶ Eli Lizu ngwalyo vase veji kulamanga Ikiye kumavoko avo... Ngwapwilenga na kuya nakutanga Chize. Oloze Chize chahnjikile ngwacho, "Vakiko vatambakanyine kumalolwa na kujipili. Vakiko valombe, oloze malombo avo apwile akukotokela." Talenu? Vakiko vatambakanyine, "Tusweke kufuma kumeso a Ikiye uze ali ha Litanda, na kufuma kuutenu wa mwana Mukoko, uze ikiye kunji, Kuyoya cha mwana Mukoko

uze ali nakwiza. Mwomwo, Likumbi lyalinene lya Kusopesa linasoloka, kaha hiya mwaya nakwimana?”

207 Ove mushinganyeka ngachilihi hali Oswald mwaya nakulinga ngachilihi jino omwo ikiye mwakatambuka kumeso a Supreme Court, kaha kumona aze meso autenu auze—auze ukelenga na vyuma vyatwame kuze? Ikiye atachikiza chumamuka nachiya nakusoloka. Nachiya pamo nakupwa gas chamber, mokomoko chikuto chakusukama kuze, mokomoko chaumachimwe. Ikiye atela kulihumanga nacho.

208 Oloze nachipwa ngachilihi kachi mutambuka nakulovoka muze na Manyinga kumavoko ove, a kukana? Kaha kutachikiza nge hetese ili kumeso ove, kwenyeka cha Hayamyaka; kutambakana ku malolwa na kujipili; oloze valombe, oloze malombo avo apwile akukotokela.

Mu Hepeleu 10, “Kachi etu natuvulumuna chakulisakwila.” *Shili* inapu “kuzeneka kufwelela.” “Kachi etu natuzeneka kufwelela hanyima etu kutambula Muchano, chinyingi cha Muchano.” Enu kamwatela kutambula Echi; nge kuchitachikiza kaha Echi. Enu kamwatela kupwa na Echiko, enu kaha... Mamalelo, nduma, nduma. Talenu? Kahanjikile, “hanyima ya etu kutambula Muchano.”

...kachi etu natuvulumuna chakulisakwila hanyima etu...twatambula chinyingi cha kupwa nge muchano, kakwechi cheka chimuna wakuvatwila ha milonga ya shiliko,

Oloze shina...kunavazengamina kuhisa chakwivwisa...na woma na kulundundu,... yakakahya kaze nakakalya vaka kole,

...Mwomwo Kalunga ngwenyi, Kutenda chapwa Chami, kaha Nanguya na kushishisa, mwanambe—mukiko mwanambe Mwata.

209 Kachi etu natuhona kufwelela Echi, kulisakwila, hanyima ya kutulweka Muchano, kakweshi cheka keke. Kakweshi cheka keke navakatuhanako.

Pashita, ali nakwivwulila kuli eyi tepu, ngachili echi? Membala wa muliuka, ali nakwivwulila kuli eyi tepu, ngachilihi echi? Nauya nakulinga ika, kachi etu natuzeneka kufwelela Echi chakulisakwila? Kaweshi kuhasa kusana Echi kumavoko oveko. Ove kaweshi kuhasako kunungulula Echi kutwala ku jiheadquarter. Echi nachikukindulukila, kuli ove cheka. Enu mwevwa lyehi Echi. Ngachili ove? naukaya ngachili nakwimana mulize Likumbi?

Ikiye chipwe ali kumavoko ove mokomoko mukachi ka muchima wove, mwosena omwo. Kalunga atukafweko.

210 Kachi—kachi enu namushinganyeka ha kujiha muthu, kaha na vyuma naviya nakusoloka mukachi kamuchima wayuze

muthu. Chuma ikiye nalingi? Ikiye mwakotokela kutona, hanyima ya chuma chinalingika lyehi.

Tala, ikiye akwechi lisesa. Ikiye asemukile kupwa ka America wakukusunuka. Ikiye apwile ka America. Oloze ikiye atondele kulanjisa lisesa lya kusemuka chenye, nakwiza na kupwa ka Russian, oloze chamukindulukilile. Ikiye ambachile kanyike wapwevo waka Russian. Jino ikiye ali mukakukusunuka mukushinganyeka mu communistic party ya ku Cuba.

Kushinganyeka chakukusunuka, “Nangulinga mwami mwakushinganyeka.” Ove kaweshi nakushinganyeka nachizako. Nauya nakulinga ika na ou Yesu ou vavuluka ngwavo Kulishitu? Ove kaweshi wakukusunuka mukushinganyeka ko. Kakweshi wakukusunuka mukushinganyeka ko. Echa kujina chize chapwilenga muli Kulishitu chipwenga muli enu.

Echenu tulombenu.

²¹¹ Shinganyeka hali evi vishinganyeka, “Kachi kuli kala kwalisa, kachi kuli kala ngolo, shinganyeka hali echi.” Mukachi ka chimene chino, kaha muli eyi tepu, nawa, Nguli nakuhanjika. Kachi ove uli hano chimene chino, kaha ove unatachikiza nge ove kaweshi kanawako na Kalunga, kaha ove kaweshi wakusemuka kuli Shipilitu Yenye, kaha Kalunga ali . . .

Ove ngwavo, “Chamwaza, Ngunalikonekela.” Chize keshi chikiko Nguli nakuhanjikako. Kumana Kalunga netavila echi? Ove ngwove, “Eyo, Nguli, Ngunalikonekela, na vyangocho. Eyo, Ngwafwelela.” Shikaho mukiko alingile na Pilatu, “Ngunalikonekela, punduvene, ‘Nyi Ngulinge muka na ou Muthu wakwoloka?’” Ove kaweshi kuhasa kumusana Ikiye kumavoko oveko ngachize. Nduma, nduma.

²¹² Nauya nakulinga ika na Ikiye? Kachi ove kaweshi Mukakulishitu wakusemuka chachihya ko, na Shipilitu Wajila kuyoyela muli ove, kukuhana ove Chiyoyelo, kahajino mwomwoika ove weji kuhonanga kumbata Echi jino? Ove kaweshi kuhasa kusana Echi kumavoko oveko. Ove kaweshi kevwa makumishilo a ou Mujimbu ko. Nauya nakwimba nakuhita palanga ove muya nakuneha Mujimbu mukachi ka muchima wove, nge Yesu Kulishitu ali youmwe zau, lelo, na haya myaka.

²¹³ Mu eli lizavu lyakumona chimene chino, nakuya ko vamwe vase navanuka nge, vakiko vali vakuhenga, kaha navaya nakuzundula mavoko avo. Etu katweshi nakpete kakusanyika kwiza kukamenga, chihela chinazale chikuma. Oloze hanjika kaha, “Ngulombeleko, Ndumbu walunga Branham. Kalunga angukafweko.” Kalunga akukisule, Ngunamono livoko lyove. “Echi chili, Ngunatondo, jino. Hano vene Ngunatondo, kumeso a Kalunga, Ikiye natachikiza nge Ngusamulonga, kaha Ngunachimono Ngusamulonga. Ngwa—Ngwatondo Ikiye kufuma kumavoko ami; Ngwatondo Ikiye mu muchima wami.”

Katula livoko lyove, hanjika, “Ngulombeleko, Ndumbu walunga Branham.” Ou Mwata amikisule enu. Ngwamono, muli eyi nambala ya vathu hano, pamo fwote, fifite mavoko anazunduka.

Kusanyika lelo, kusanyika lelo,

Shinganyeka hali echi jino, nge Ikiye ali nakusanyika. Yesu ali nakusanyika. Ali Ikiye kuhanjika kuli ove.

²¹⁴ Unavulumuna lyehi, palanga na muchima wove kukakama, palanga ove unahono, unahono kwivwa Echi chekako? Lwola lumwe, nge kanyike walunga mokomoko kanyike wapwevo, enu mwewwa lyehi Echi. Ove wapwile nakufwila kuchilinga, oloze Chize wachifumishilemo, kaha ove wakakamishile muchima na kukakamisa vize vivezu na kukoka. Echi chinayize ove kaweshi kevwa Echi chekako? Ove unemana haze. . .kupwa chove. . .hachihela haze Oswald emanyine chino chimene, nge omu unatachikiza? Huu! Nauya nakulinga ika?

Nakuya nakupwa mukwavo shimbu kanda etu tusoke kaha Nanguya nakulomba? Kwozena jino muzuvo yosena, uze kanda azundule livoko, hanjika, “Ndumbu walunga Branham, kufuma haze ove wahanjikanga mazu amakumishilo, Nguli—Nguli na kwivwa vene echi.” Kalamuthu, kuweluka, mu jisenge, kujinguluka jijanene, kwozena, kecheshi naukaluko. Pwako kaha. . .

²¹⁵ Kalunga akukisule, mukweze wapwevo wakalemesa. Kalunga akukisule, mwane, ove. Ukwechi. Ikiye ali. . .Kalunga akukisule, pwevo wakalemesa. Muthu weka? Kalunga akukisule, pwevo wakalemesa. Kalunga akukisule, hano. Kalunga akukisule ove haze, kanyike walunga, kanyike wapwevo. Eyo, Mwata akukisule. Kuniyima okwo, mwane. Yaa.

Jino echa tushinganyeka hali echi jino. Ngwatondo ove kulinga echi shimbu etu tuli nakwimba, *Yesu Ali na Kusanyika*. Jino Ngwatondo ove kuhanjika kaha, “Mwata, nguvwile keke, mukashili, mokomoko mukakulyonga. Ngwapwa membala wa liuka, Mwata, oloze Nguna—Nguna—Ngunatondo Ove. Ngwatondo Ove. Ngukafweko! Nanguya—Nanguya nakukuzachila Ove. Ngwashiki echi, hano vene. Ngunazundula livoko lyami, nge Ngunatondo Ove. Jino Ove katula muchima wami, mangana Ngutambule Ove, kaha Nanguya nakukutambula Ove mumuchima wami.” Shimbu etu natwimba eyi vasi cheka, munahase kulinga echi?

Kusanyika lelo, kusanyika lelo

²¹⁶ Jino lomba mujila yove. Lomba jino.

Yesu kusanyika. . .

Napu Ikiye kuhanjika. Ou ukiko mulonga ove wazundwilanga livoko lyove.

. . .-kukukulula kuasnyika lelo.

Yesu ali nakusanyika, Ove ivwulila ku Lizu
Lyenyi;
Ivwulila Ikiye . . .

Hano vene, ivwulila Ikiye. Hanjika, “Mwata, Ngusamulonga. Manyinga Ove ali kumavoko ami. Ngumakashili. Kangwazangile Echi kupwako chekako. Ngunahono kukosa Echi; Nguneseka, myaka yayivulu. Kangweshi kuhasa kuya nakukukana Ove ko nge muze alingile Pilatu, kaha kweseka kukunungulula Ove kuli weka nawa. Ngwatondo Ove. Twaya mumuchima wami, hano vene, Mwata. Ngunakutambula Ove. Ngunakumono Ove kwimana kumeso ami, nge chifwanyisa kwimana kuze; ha lufwelelo Nguli nakutambuka muli Ove, kutachikiza nge Ove mungukonekela. Kaha Nguli . . . Ove uli nakuya nakupwa mumuchima wami, kufuma hano.”

. . . lelo,

Muthuwosena lomba.

Yesu ali nakusanyika, Ikiye ali vene
nakusanyika lelo.

²¹⁷ Tata wa Mwilu, mujimbu waundende unakumu. Kaha jino, kusakujola, zango yakusopela iliko chimene chino. Vangelo vanakunguluka muno mukapete. Ou Shipilitu Wajila wamunene hano ali nakuhana kwinjikiza nge Yesu hanga ayoya. Ikiye apwile kaseloke wa Kuyoya Cha hayamyaka. Chize chimbumbwe kachahashile kumukwatako Ikiye, chipwe hetese kumulama Ikiye. Ikiye akandukile helu; kukasunuka kufuma muhetese, kukasunuka kufuma muchimbumbwe. Kaha Ikiye nemana mukachi ketu, lelo.

Kaha jishimbi jetu jauthu na vikungulwilo vinakase vathu vavavulu, Mwata. Shili inavakase vakiko, oloze lelo vakiko vanatondo kupwa vakukasunuka. Vakiko vanemana nge Pilatu, kaha, kachi vamunungulule Ikiye kuli muthuweka nawa, vakiko vanazundula mavoko avo, “Twaya nakwingila mumuchima wami, Mwata Yesu. Kangweshi kuhas kukusanako Ove kufuma hali yami chekako. Kangweshi kuhasa kulinga ngachizeko. Ove hanga uli kumavoko ami. Ngunasane kaha kusana, kaha Ove kawafumineko, oloze jino Ngunakutambula Ove. Ngwatondo Ove mu chiyoyelo chami, kaha Ngunakutambula Ove muchiyoyelo chami. Mwata, ngutambule mu Wangana Wove, ha kungukonekela shili jami, kaha nguhane lufwelelo lwa kufwelela nge Ove unangutambula, Tata.” Tuhanecho echi. Kuhichila mu Lijina Iya Kulishitu Yesu, etu twalombo.

²¹⁸ Kaha jino shimbu tunanongama mitwe yetu. Lufwelelo, ha lufwelelo . . . “Kaha, Kalunga, Ove ngukafwe ngupwe wakushishika. Oloze kutachikiza nge Ove washikile echi . . .”

“Wosena mweza kuli Yami, Kangweshi kuhasa kumukanako. Kaha Nanguya nakumuhana Kuyoya cha Hayamyaka, kaha Nanguya nakumusangula ha makumbi akumakumishilo.

Wosena mwaya nakugwitavila Yami kumeso avathu, ikiye Nanguya nakwitavila kumeso a Tata Yami na Vangelo va jila. Wosena mwevwa,” umwenemwene, kulumbununa cha muchano cha Mukajila Yowano 5:24 kuli, ili, “wosena mwevwushisa, mwetavila Lizu Lyami. Wosena mwetavila Lizu Lyami, na kufwelela hali Ikiye uze Angutumine, ali na Kuyoya cha hayamyaka, kaha kaveshi kukamusanyika ku Kusopesa ko.” Ove kaweshi keza ku Litanda lya Kusopesako nge Oswald omwo mwakapwa. “Oloze ove unahichi lyehi,” na kukonekela chakukasunuka, “kufuma mukufwa na kwingila mu Kuyoya.”

219 “Mwata, Ngunahono kutachikiza, Ngunahono kutachikiza mwomwoika, oloze—oloze Ngwafwelela echi kusoloka. Ngwafwelela echi, mukachi ka muchima wami, kuzeneka kufwelela chami chinayi. Ngunahase kuhanjika nakukasunuka ngwami ‘amena’ ku Lizu lyosena nge Ove ngwove, kaha Nanguya na kwitavila Echi kupwa chakwoloka jino. Ngwafwelela echi.”

220 Jino na mitwe yenu yakunongama. Enu mwafwelela echi, mwazundulanga mavoko enu hanyima chindende; kaha ha lufwelelo enu mwamono chifwanyisa cha Kulishitu kwimana haze, muze mwatela enu kupwa. Enu muli nakutambuka jino ha lufwelelo, fwelela nge shili jenu vanajikonekela. Kaha kufuma likumbi lya lelo, enu muli vakulizanga kupwa kutambula lujimiko lwa Vakakulishitu, kaha muli vakulizanga jino kutambuka muli Kulishitu. Munahase, nge unjiho kuli Ikiye, zundulenu mavoko enu kunyima okwo, hanjikenu, “Ha lufwelelo Ngwafwelela Echi na muchima wami wosena”? Kalunga akukisule. Chize chamwaza. “Ngunetavila jino Echi. Ngu—Ngunetavila; kakwechi chuma Nangulinga ko.” Kalunga akukisule. Chasoloka nge vosena Ngunamono. “Ngunetavila jino.”

221 Talenu, enu kamweshi kanawako, kanda lyehi mupwenga vamwaza, enu kamweshi kuhasa kupwa va mwazako, oloze Yesu afwilile vase vathu vakuhona kupwa vamwaza. “Chuma muka Ngwatela kulinga, Ndumbu walunga Branham?” Itavila kaha chuma chize Ikiye alingile, itavila kaha chuma Ikiye akulingilile. Kaha jino ha kufwelela Echi na kwitavila Echi. . .

Jino, Ngwafwelela, pashita, chijiva chili chakusokoloka. [Ndumbu walunga Neville ngwenyi, “Eyo.”—Muka.] Lujimiko naluya nakupwa muchiyulo, kachi enu munatondo kupwa vakujimika.

Kachi enu munambate eyi mitwe, “Tata, Mwana, Shipilitu Wajila,” enu mwamuchano. . . Nanguhanjika echi na kavumbi na kalemesa, oloze, mujila ya kumona echi, enu kavamijimikileko. Enu kamweshi, mwomwo enu kamwalingile ocho Ikiye ahanjikileko.

222 Ikiye ngwenyi, “Vajimikenu vakiko mu Lijina lya Tata, Mwana, na Shipilitu Wajila.” Kachi enu mwapwanga na eyi

mitwe kaha nakuyivulukila hali enu; Ikiye kahanjikile, “Yenu mukavuluke eyi *mitwe*; yenu nakuvuluka awa *majina*.” Echi kanda lyehi vachilinge mu Mbimbiliya. Echi kanda lyehi chilingike mujila kana. Echi chapwile, vajimike mujila Yesu ahanjikile, “Mu Lijina lya Tata, Mwana, na Shipilitu Wajila,” echi chinapu Yesu Kulishitu.

223 Petulu, na jisapi, ahanjikile mwomumwe; kala kapositolo vosena, Liuka lyosena; palanga naku Kasulu ya Nicaea yakulivanga omwo liuka lya Katolika lya ku Loma lya livwasanyine, kwitavila mitwe keshi Lijina. Enu muli chipwe kupwa vakujimika mu kunangula cha chikungulwilo chava Loma, mokomoko kujimika cha mu Lijina lya Yesu Kulishitu, chimwe mokomoko chikwavo. Echi chili kumavoko enu; enu kamweshi kuhasa kusana Echi ko. Echi chilivene okwo.

Enu munetavila Echi jino. Nanguya nakumihula enu, shimbu—shimbu mukakwimba kalyalya na njimba kufukununa mwaso wamwaka:

Lufwelelo lwami lwatale kuli Ove,
Ove Mukoko wa Kukavali,
Mulwilo wa Ukalunga;
Jino ngwivwulile yami shimbu na Ngulomba,
Kaha fumisa kupaya chami chosena,
Kaha echa yami kufuma kulelo
Kupwa kaha Wove!

224 Kanda umwe atela kufuma muno muzuvo. Mukavumbi kaha imana jino, kaha echa tuzundule mavoko etu kuli Ikiye jino.

Lufwelelo lwami lwatale kuli Ove, (Kaha Ikiye
napu eli Lizu.)
Ove Mukoko wa Kukavali,
Mulwilo wa Ukalunga;
Jino ngwivwulile yami shimbu na Ngulomba,
Fumisa shili jami josena,
Mamalelo echa yami kufuma likumbi lyalelo
Pwako wosena . . .

Wosena kaha mwosena, Wove! Nguli jino nakuhana chiyoyelo chami.

225 Meya ali akuwahisa lyehi mu minyutu yayindende. Kachi enu kamweshi kupwa naelu lujimiko jino, etu natuya nakujimika cheka ufuku uno.

Shinganyeka echi, musana wosena, “Kumavoko enu.” Fumisa Echi. Kuli jila yimwe ove unahase kulinga, chili, kusana muma Manyinga a Yesu Kulishitu, Ou ali . . . Talenu? Eyo, mwane. Anuka echi jino shimbu etu twanongama mitwe yetu. Tala kuli Ikiye jino.


Shimbu chiyoyelo chili mumilima . . .

²²⁶ Kusakula chili mumuchima wove jino. Ikiye ali ha cheseko. Eli Lizu lili lyehi ha kusukika. Kulishitu ali ha cheseko. Nauya nakulinga ika na ou Yesu ou vavuluka ngwavo Kulishitu?

Pwako Ove twamina Yami;
 Hanjika milima kupwa musana,
 Fumisa ushona, na masoji,
 Nge chiku yami na nguhungumuka
 Kufuma kusali Yove.

Jino nongamenu michima yetu kuli echi. [Ndumbu walunga Branham kuputuka kungunguta *Lufwelelo Lwami Lunatale Kuli Ove*—Muka.]

²²⁷ Shinganyeka nakujiminyina, masepa. Pamo lijina lyove lili limwe lya makumishilo lili nakuya nakwingila muze mu Mukanda. Etu tuli kumakumishilo. Jino shinganyeka mukujiminyina vene. Muli, kuliko umwe hano uze nalumukila kuli Ikiye tahi?

²²⁸ Anukenu, echi pamo kacheshi keza chekako. Pilatu kapwile na lihanya likwavoko. Ikiye esekele mwosena kachi vamulwile, kaha ikiye kahashileko. Chapwile kumavoko eyi. Kaha naukaya nakulinga ngachilihi na eli Lizu lya kuwavisa lya likumbi lino, vavuluka ngwavo Kulishitu? 

*NYI NGULINGE MUKA NA OU YESU OU
VAVULUKA NGWAVO KULISHITU? LVE63-1124M*

(What Shall I Do With Jesus Called Christ?)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chalumingo na chimene, Tundwe munene 24, 1963, ha Mbalaka ya Branham mu Jeffersonville, Indiana, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2021 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenya mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org